

四庫全書

子部

欽定四庫全書

子部
本草綱目卷二十七

詳校官太醫院醫士臣舒砥

編修臣倉聖脈覆勣

總校官庶吉士臣何思鈞

校對官待詔臣胡士震

謄錄監生臣陳山琨

欽定四庫全書

本草綱目卷二十七目錄

菜之二

柔滑類四十一種

內附五種

菠薐

嘉祐
即赤根

薤菜

嘉祐

恭菜

嘉祐
即茗蓬

東風菜

開寶

薺

別錄

析莫

本經

即大薺

繁縷

別錄

雞腸

別錄

苜蓿

別錄

苜

本經

馬齒苋

蜀本

苦菜

本經

即苦蕒

白苣

嘉祐

即生菜

萬苣 食療

水苦蕒 圖經

翻白草 綱目

仙人杖草 拾遺

蒲公英 唐本
即地丁

黃瓜菜 食物

生瓜菜 圖經

落葵 別錄
即藤菜

蕺菜

別錄 即魚腥草

蕨

拾遺

水蕨

綱目

薇

拾遺

翹搖

拾遺 即巢菜

鹿藿

本經 即野綠豆

灰藿

嘉祐

藜

綱目

秦狄藜

唐本

醍醐菜

證類
茅膏菜
雜侯
菜孟娘
菜優殿
附

芋

別錄
野芋附

土芋

拾遺
即土卵

薯蕷

本經
即山藥

零餘子

拾遺

甘藷

綱目

百合

本經

山丹

日華
即紅華菜

草石蠶

拾遺
即甘露子

竹筍

蜀本

酸筍

綱目

右附方舊三十四新一百一十

本草綱目卷二十七目錄

欽定四庫全書

本草綱目卷二十七

明 李時珍 撰

菜之二

柔滑類四十一種 內附五種

波稜

宋嘉祐

釋名波菜

綱目

波斯草

綱目

赤根菜

慎微曰按劉禹錫嘉話錄云波稜種出自

西國有僧將其子來云本是頗陵國之種語說為波稜耳時珍曰按唐會要云太宗時尼波維國獻波稜

菜類紅藍實如蒺藜火熟之能益食味即此也方士隱名為波斯草云

集解

時珍曰波稜八月九月種者可備春蔬其莖柔脆中空其葉綠賦柔

厚直並出一共旁出兩共似豉子花葉之狀而長大其根長數寸大如桔梗而色赤味更甘美四月起莖尺許有雄雌就莖開碎紅花叢簇不顯雌者結實有刺狀如蒺藜子種時須研開易浸脹必過月朔乃生亦一異也

菜及根氣味甘冷滑無毒

士良曰微毒多食令人脚弱發腰痛動冷氣先患腹

冷者必破腹不與鮭魚同食發霍亂取汁煉霜制砒汞伏雌黃硫黃

主治利五臟通腸

胃熱解酒毒服丹石人食之佳

孟詵

通血脉開胸膈下

氣調中止渴潤燥根尤良

時珍

發明

說曰北人食肉麵食之即平南人食魚鼈水米食之即冷故多食冷大小腸也時珍曰按張從

正儒門事親云凡人久病大便濕滯不通及痔漏之人宜常食菠薐菜之類滑以養竅自然通利

附方

新

一消渴引飲

日至一石者菠薐根鷄內金等分爲末米飲服一錢日三經驗方

薤菜

薤去聲
宋嘉祐

釋名

時珍曰薤與壅同此菜惟以壅成故謂之壅

集解

藏器曰薤菜嶺南種之蔓生開白花堪茹時珍曰薤菜今金陵及江夏人多蒔之性宜濕地畏

霜雪九月蒞入土窖中三四月取出壅以糞土即節節生芽一本可成一畦也幹柔如蔓而中空葉似菠

薐及鑿頭形味短須同猪肉煮令肉色紫乃佳段公
路北戶錄言其葉如柳者誤矣按菘含草木狀云薤

菜葉如落葵而小南人編葦爲筏作小孔浮水上種于水中則如萍根浮水面及長成莖葉皆出于葦筏孔中隨水上下南方之奇蔬也則此菜水陸皆可生之也

氣味甘平無毒主治解胡蔓草毒即野葛毒煮食之

亦生搗服

藏器

搗汁和酒服治產難

時珍出唐璠方

發明

藏器曰南人先食蕪菜復食野葛二物相伏自然無苦取汁滴野葛苗當時萎死相殺如此張

華博物志云魏武帝噉野葛至一尺應是先食此菜也

菘菜

菘音甜別錄中品

校正

併入嘉祐菘菜

釋名菘蓬菜

時珍曰菘菜即菘蓬也菘與甜通因其味也菘蓬之義未詳

集解

弘景曰菘菜即今以作鮓蒸者菘曰菘菜葉似升麻苗南人蒸菘食之大香美保昇曰苗高三

四尺莖若蒴藿有細稜夏盛冬枯其莖燒灰淋汁洗衣白如玉色士良曰葉似紫菊而大花白時珍曰菘菜正二月下種宿根亦自生其葉青白色似白菘菜葉而短莖亦相類但差小耳生熟皆可食微作土氣四月開細白花結實狀如菜苡椀而輕虛土黃色內有細子根白色

氣味甘苦大寒滑無毒

高錫曰平微毒冷氣人不可多食動氣先患腹冷人食之

必破腹

主治時行壯熱解風熱毒瘡搗汁飲之便瘥

別錄夏

月以菜作粥食解熱止熱毒瘡搗爛傳灸瘡止痛易瘥

菘菘

搗汁服主冷熱痢又止血生肌及諸禽獸傷傳

之立愈

藏器

煎湯飲開胃通心膈宜婦人

大明

補中下氣

理脾氣去頭風利五臟

嘉祐

根氣味甘平無毒主治通經脉下氣開胸膈

正

子主治煮半生搗汁服治小兒熱

孟詵

醋浸搯面去粉

滓潤澤有光

藏器

附方

新一痔瘻下血 若蓮子 蕓薹子 荊芥子 芫荽子 蒿

大鯽魚一個去鱗腸裝藥在內縫合入銀石器內上下用火鍊熟放冷爲末每服二錢米飲下日二服

東風菜

宋開寶

釋名冬風

志曰此菜先春而生故有東風之號一作冬風言得冬氣也

集解

志曰東風菜生嶺南平澤莖高二三尺葉似杏葉而長極厚軟上有細毛煮食甚美時珍曰按

裴淵廣州記云東風菜花葉似落娠莖紫宜肥肉作羹食香氣似馬蘭味如酪

氣味甘寒無毒主治風毒壅熱頭痛目眩肝熱眼赤

堪入羹臠食

開寶

薺

別錄上品

釋名護生草

時珍曰薺生濟濟故謂之薺釋家取其莖作挑燈杖可辟蚊蠶謂之護生草云

能護衆生也

集解

善曰薺生野中弘景曰薺類甚多此是令人所食者葉作菹羹亦佳詩云誰謂荼苦其甘如薺

是也時珍曰薺有大小數種小薺葉花莖扁味美其最細小者名沙薺也大薺科葉皆大而味不及其莖硬有毛者名薺萸味不甚佳並以冬至後生苗二三月起莖五六十寸開細白花整整如一結莢如小萍而有三角莢內細子如萼蘆子其子名差音崖四月收之師曠云歲欲甘甘草先生薺是也薺萸萼蘆皆是薺類萼蘆見草部濕草類

氣味甘溫無毒主治利肝和中

別錄

利五臟根治目痛

大明明目益胃

時珍

根葉燒灰治赤白痢極效

甄權

附方

舊一暴赤眼

新二

痛脹

礮澀

薺菜根

聖惠

眼生

腎膜

薺菜

和根

莖葉洗淨焙乾爲細末每夜臥時先洗眼挑末米許安兩大背頭澀痛忍之久久膜自落也 聖濟總錄

腫滿腹大

四肢枯瘦尿澀用甜葶藶炒薺菜根等分爲末煉蜜丸彈子大每服一丸陳皮湯下

只二三九小便清十餘丸腹如故 三因

菱實

普曰三月三日采陰乾土良曰亦名薪箕子四月八日收之良周王曰飢歲采子水調成塊煮

粥作餅甚粘滑

氣味甘平無毒

雅曰患氣人食之動冷氣 說曰不與麩同食令人背悶服丹石人不可食

主治明目目痛

別錄

青盲不見物補五臟不足

甄權

治腹

脹

吳普

去風毒邪氣治壅去醫解熱毒久服視物鮮明

良士

花主治布席下辟蟲又辟蚊蠶良士陰乾研末棗湯日

服二錢治久痢大明

新奠

音錫覓本經上品

校正

自草部移入此

釋名大薺別錄

大薺

本經馬辛

時珍曰諸名不可解吳普本草又云一名析目一名

禁目一名馬駒

集解

別錄曰析奠生成咸陽山澤及道旁四月五月采暴乾弘景曰今處處有之是大薺子也方用甚

希少保昇曰似薺禁而細俗呼爲老薺恭曰爾雅云析奠大薺也註云似薺俗呼爲老薺然其味甘而不

辛也藏器曰本經蒟蒻一名大薺蘇氏引爾雅爲註案大薺即蒟蒻非蒟蒻也蒟蒻大而扁薺蒻細而圓二物殊別也頌曰爾雅蒟蒻謂之薺音典子葉皆似薺一名狗薺蒟蒻即大薺大抵二物皆薺類故人多不能細分乃爾致疑也古今眼目方多用之時珍曰薺與蒟蒻一物也但分大小二種耳小者爲薺大者爲蒟蒻蒟蒻有毛故其子功用相同而陳士良之本草亦謂薺實一名蒟蒻也薺蒻與蒟蒻同類但蒟蒻味甘花白薺蒻味苦花黃爲異耳或言蒟蒻即甜薺蒻亦通

苗氣味甘平無毒主治和中益氣利肝明目

時珍

蒟蒻子氣味辛微溫無毒

恭曰甘而不辛普曰神農雷公辛李當之小溫之

才曰得蔓荆實細辛良惡乾鹽苦參一云苦參爲之使

主治明目目痛淚出除痺補五臟益精光久服輕身

不老

本經

療心腹腰痛

別錄

治肝家積聚眼目赤腫

甄權

附方

舊一

眼目熱痛

淚出

不止新莫子搗篩爲末卧時銅簪點少許入目當有熱淚

及惡物

新

眼中弩肉

方同上

夜夜照之
崔元亮海上方

繁縷

別錄下品

釋名

爾雅

菽

音菽

菽縷

郭璞

滋草

千金

鷲腸菜

時珍曰

此草莖蔓甚繁中有一縷故

名俗呼鷲兒腸菜象形也易于滋長故曰滋草古樂府云爲樂當及時何能待來滋滋乃草名即此也

集解

別錄

曰繁縷五月五日日中采乾用菘曰此即是雞腸也多土濕地坑渠之側流俗道謂雞腸

雅士總名繁縷託曰繁縷即菘也又恐以軟草似之保昇曰葉青花白采苗入藥頌曰即雞腸也南中多

有之生于田野間近沫下濕地亦或有之葉似苜蓿而小夏秋間生小白黃花其葉梗作蔓斷之有絲縷又細而中空似鷄腸因得此名本草繁縷鷄腸作兩條蕪菘以爲一物謹按郭璞註爾雅云獲縷一名雞腸草實一物也今南北所生或肥瘠不同故人疑爲二物而葛洪肘後方治卒淋云用雞腸及繁縷如此又似是二物其用大槩主血故人宜食之時珍曰繁縷即鷄腸非鷄腸也下濕地極多正月生苗葉大如指頭細莖引蔓斷之中空有一縷如絲作蔬甘脆三月以後漸老開細瓣白花結小實大如稗粒中有細子如葶藶子吳瑞本草謂黃花者爲繁縷白花者爲鷄腸亦不然二物蓋相似但鷄腸味甘莖空有縷花白色鷄腸味微苦咀之涎滑莖中無縷色微紫花亦紫色以此爲別

氣味酸平無毒

權曰苦時珍曰甘微鹹說曰温思邈曰黃帝云合鮓鮮食發消渴令人多

忘

主治積年惡瘡痔不愈

別錄

破血下乳汁產婦宜食之

產後腹有塊痛以酒炒絞汁溫服又暴乾爲末醋糊

和丸空腹服五十九取下惡血

藏器

發明

弘景曰此菜五月五日采暴乾燒作屑療雜瘡有效亦雜百草服之不止此一類也說曰治惡

瘡有神效之功搗汁塗之作菜食益人須五月五日者乃驗又曰能去惡血不可久食恐血盡

附方

舊二新三

食治烏髭

繁縷爲齋久食之能烏髭髮

聖惠方

小便卒淋

繁縷草滿兩手水煮常飲之

產婦有塊

作痛繁縷方見上

丈夫陰

瘡 莖及頭潰爛痛不可忍久不瘥者以五月五日繁
縷燒焦五分入新出蚯蚓屎二分入少水和研作

餅貼之乾即易禁酒麪五辛
及熟食等物甚效 扁鵲方

雞腸草

別錄
下品

校正

原在草部唐
本移入此

集解

弘景曰人家園庭亦有此草小兒取按汁以持
蜘蛛網至粘可捉蟬恭曰此即繁縷也刺出此

條時珍曰雞腸生下濕地三月生苗葉似鷲腸而色
微深莖帶紫中空無縷四月有小莖開五出小紫
花結小實中有細子其苗作蔬不如鷲腸故別錄列
繁縷于菜部而列此于草部以此故也蘇恭不識疑
爲一物誤矣生嚼涎滑故可捉蟬鷲腸生嚼無涎亦
自可辨鄭煎通志謂雞腸似蓼而小其味小辛非繁
縷者得之又石胡荽亦
名雞腸草與此不同

氣味微辛苦平無毒

權曰苦之才曰微寒

主治毒腫止小便利

別錄療蠹蝮溺瘡

弘景

主遺溺洗手足傷水爛

甄權

五月五

日作灰和鹽療一切瘡及風丹遍身痒痛亦可搗封

日五六易之作菜食益人去脂膏毒氣又燒傅瘡

取汁和蜜服療小兒赤白痢甚良

孟詵

研末或燒灰搯

齒去宣露

蘇頌

附方

舊二新七

止小便利

雞腸草一斤于豆豉汁中煮和米作羹及粥類食之

食醫心

鑑

小兒下痢

赤白雞腸草搗汁一合和蜜服甚良

氣淋脹痛

雞腸

草三兩石韋去毛一兩每用三錢水一盞煎服 聖濟總錄 風熱牙痛 浮腫發歇 元臟氣虛

小兒疳蝕鷄腸草旱蓮草細辛等分爲末每日擦三次名祛痛散 普濟方 發背欲死 鷄

草搗傅之 肘後方 反花惡瘡 鷄腸草研汁拂之或爲末猪脂調搽極効 醫林正宗 一

切頭瘡 鷄腸草燒灰和鹽 漆瘡瘙痒 鷄腸草搗塗 射

工中人 成瘡者以鷄腸草搗塗 盧氏方

首瘡 別錄上品

釋名木粟 綱目 光風草 時珍曰首瘡邪璞作收宿謂其宿根自生可飼牧牛馬也又羅

願爾雅翼作木粟言其米可炊飯也 葛洪西京雜記云樂遊坑多首瘡風在其間常蕭蕭然日照其花有

光采故名懷風又名光風茂陵人謂之連珠草金光明經謂之塞鼻力迦

集解

弘景曰長安中乃有苜蓿因北人甚重之江南不甚食之以無味故也外國復有苜蓿草以療

日非此類也說曰彼處人采其根作土黃芪也宗奭曰陝西甚多用飼牛馬嫩時人兼食之有宿根刈訖復生時珍曰雜記言苜蓿原出大宛漢使張騫帶歸中國然今處處田野有之陝隴人亦有種者年年自生刈苗作蔬一年可三刈二月生苗一科數十莖莖頗似灰糞一枝三葉葉似決明葉而小如指頂綠色碧艷入夏及秋開細黃花結小莢圓扁旋轉有刺數莢累累老則黑色內有米如糝米可爲飯亦可釀酒羅願以此爲鷓鴣頂草誤矣鷓鴣頂乃紅心灰糞也

氣味苦平瀋無毒

宗奭曰甘微淡說曰涼少食好多食令冷氣入筋中即瘦人李廷飛

曰同蜜食
令人下利

主治安中利人可久食

別錄

利五臟輕身健

人洗去脾胃間邪熱氣通小腸諸惡熱毒煮和醬食

亦可作羹

孟詵

利大小腸

宗奭

乾食益人

蘇頌

根氣味寒無毒主治熱病煩滿目黃赤小便黃酒疸

擣服一升令人吐利即愈

蘇恭

擣汁煎飲治沙石淋痛

時珍

覓

本經上品

釋名

時珍曰按陸佃埤雅云覓之莖葉皆高大而易見故其字從見指事也

集解

別錄曰莧實一名莫實細莧亦同生淮陽川澤及田中葉如藍十一月采李當之曰莧實即莧

菜也弘景曰莧實當是白莧所以云細莧亦同葉如藍也細莧即是糠莧食之乃勝而並冷利被霜乃熟故云十一月采又有赤莧莖純紫不堪食馬莧別一種布地生實至微細俗呼馬齒莧恐非莧實也恭曰赤莧一名藎音經言莧實一名莫實疑莫字誤矣保昇曰莧凡六種赤莧白莧人莧紫莧五色莧馬莧也惟人白二莧實可入藥用赤莧味辛別有功用頌曰人莧白莧俱大寒亦謂之糠莧又謂之胡莧或謂之細莧其實一也但大者爲白莧小者爲人莧耳其子霜後方熟細而色黑紫莧莖葉迥紫吳人用染瓜者諸莧中惟此無毒不寒赤莧亦謂之花莧莖葉深赤根莖亦可糟藏食之甚美味辛五色莧今亦稀有細莧俗謂之野莧猪好食之又名猪莧時珍曰莧並三月撒種六月以後不堪食老則抽莖如人長開細花

成穗穗中細子扁而先黑與青箱子雞冠子無別九月收之細莧即野莧也北人呼爲缺莧柔莖細葉生即結子味比家莧更勝俗呼青箱子爲鷄冠莧亦可食見草部

菜氣味甘冷利無毒

恭曰赤莧辛寒昂曰莧動氣令人煩悶冷中損腹不可與鯿同

食生鯿廕又取鯿肉如豆大以莧菜封裹置土坑內以土蓋之一宿盡變成小鯿也機曰此說屢試不驗

主治白莧補氣除熱通九竅

孟詵

赤莧主赤痢射工沙

虱蕪紫莧殺蟲毒治氣痢

藏器

六莧並利大小腸治初

痢滑胎

時珍

發明

弘景曰人莧細莧並冷利赤莧療赤下而不堪食方用莧菜甚稀斷穀方中時用之頌曰赤莧

微寒故主血痢紫莧不寒比諸莧無毒故主氣痢
說曰五月五日收莧菜和馬齒莧爲細末等分與妊
人常服令易產也震亨曰紅莧入血分善走
故與馬莧同服能下胎或煮食之令人易產

附方

舊三
新四

產後下利

赤白者用紫莧菜一握切煮汁
入粳米三合煮粥食之立瘥也

養老書

小兒緊唇

赤莧搗汁洗
聖惠

漆瘡搔痒

莧菜煎
湯洗之

蚣螫傷

取灰莧葉擦之即
止設野翁方

蜂蠆螫傷

野莧按
擦之

諸蛇螫

人

紫莧搗汁飲
滓塗之集驗方

射工中人

狀如傷寒寒熱發
瘡偏在一處有異

于常者取赤莧合莖葉搗汁
飲一升日再服之集驗方

覓實氣味甘寒無毒主治青盲明目除邪利大小便

去寒熱久服益氣力不饑輕身本經治白疔殺虻蟲別錄

益精大明肝風客熱瞽目黑花時珍

發明時珍曰菹實與青葙子同類異種故其治目之功亦彷彿也

附方新一利大小便菹實為末半兩分二服新汲水下聖惠

根主治陰下冷痛入腹則腫滿殺人搗爛傅之時珍

附方新一牙痛菹根晒乾燒存性為末指之再以紅燈籠草根煎湯漱之孫氏集效方

馬齒莧蜀本草

釋名馬莧別錄五行草圖經五方草綱目長命菜同上九頭獅

子草

時珍曰其葉比並如馬齒而性滑利似莧故名俗呼大葉者爲狔耳草小葉者爲鼠齒莧又名

九頭獅子草其性耐久難燥故有長命之稱竇藏論及八草靈變篇並名馬齒龍芽又名五方草亦五行之義頌曰馬齒莧雖名莧類而苗葉與莧都不相似一名五行草以其葉青梗赤花黃根白子黑也藏器曰別錄以馬齒與莧同類二物既殊今從別品

集解

弘景曰馬齒與莧別是一種布地生實至微細俗呼馬齒莧亦可食小酸保昇曰此有二種葉

大者不堪用葉小者節葉間有水銀每十斤有八兩至十兩已來然至難燥當以槐木槌碎向日東作架晒之三兩日即乾如隔年矣入藥須去莖其莖無效數曰凡使勿用大葉者不是馬齒草亦無水銀時珍曰馬齒莧處處園野生莖在地細對生六七月開細花結小實實中細子如葶藶子狀人多采苗

煮腦爲疏方士未取伏磁結汞煮丹砂伏磁黃死雄
制雌別有法度一種水馬齒生水中形狀相類亦可

勺食見王

西樓菜譜

菜氣味酸寒無毒

菜曰辛溫宗與曰人多食之然性寒滑

主治諸腫瘻

疣目擣搗之破瘡癬止消渴

藏器

能肥腸令人不思食

治女人赤白下

蘓頌

飲汁治反胃諸淋金瘡流血破血

癬癥瘕小兒尤良用汁治緊唇面皴解馬汗射工毒

塗之瘰

蘓恭

治自尸脚陰腫

保昇

作膏塗濕癬白禿杖

瘡又主三十六種風煮粥止痢及疝痢治腸痛

孟詵

服

之長年不白治癰瘡殺諸蟲生搗汁服當利下惡物

去白蟲和梳垢封丁腫又燒灰和陳醋滓先灸後封

之即根出開寶散血消腫利腸滑胎解毒通淋治產後

虛汗時珍

發明時珍曰馬齒莧所主諸病皆只取其散血消腫之功也頌曰多年惡瘡百方不瘥或痛焮不已

者並搗爛馬齒傳上不過三兩遍此方出于武元衡和國武在西川自苦脛瘡焮痒不可堪百醫無効及到京有廳吏上此方用之便瘥也李絳記其事于兵部手集

附方舊十五新三十六風結瘡馬齒莧一碩水一碩
取汁入蜜蠟三兩重煎

成膏塗之

食療

諸氣不調

馬齒莧煮粥食之 食醫心鏡

穰解疫氣

六月六日

采馬齒莧晒乾元旦煮熟同鹽醋食之可解疫癘氣 唐寶經陰方

筋骨疼痛

不拘風濕氣場

梅瘡及女人月家病先用此藥止疼然後調理乾馬齒莧一斤濕馬齒莧二斤五加皮半斤蒼朮四兩春

碎以水煎湯洗滌急用葱薑搗爛沖熱湯三碗服之暖處取汗立時痛止也 海上名方

脚氣浮

腫

心腹眼滿小便澀少 粳米醬汁煮食之

食醫心鏡

男女瘡疾

馬齒莧搗

札手寸口 男左女右

產後虛汗

以乾者煮汁

婦人良方 產後

血痢

小便不通臍腹痛生馬齒莧菜杆汁三合煎沸入蜜一合和服 產寶

小兒血痢

方同上 心鏡

肛門腫痛

馬齒莧葉三葉酸草等分煎湯煎洗一日二次有效 類湖方

痔

瘡初起

馬齒莧不拘鮮乾煮熟急食之以湯熏洗一月內外其孔閉即愈矣 楊氏經驗方 赤

白帶下

不問老稚孕婦悉可服用取馬齒莧搗絞汁三大合和鷄子白二枚先溫令熱乃下莧汁微

溫頓飲之不過再作即愈 崔元亮海上方

小便熱淋

馬齒莧汁服之 聖惠方 陰腫

痛極

良馬齒莧搗傅之 永類鈴方 中蟲欲死 馬齒莧搗汁一升飲并傅之日四五次

壽域 腹中白蟲

馬齒莧水煮一盞和鹽醋空腹食之少頃白蟲盡出也 孟詵食療 緊唇

面皰

馬齒莧煎湯日洗之 聖惠方 目中息肉 淫膚赤白膜馬齒莧一大握洗淨和芒硝

未少許綿裹安上 頻易之 龍本論

風齒腫痛

馬齒莧一把嚼汁漬之即日腫消 本事方

漏耳諸瘡

治耳內外惡瘡及頭瘡肥瘡癩瘡黃馬散用黃蘗半兩乾馬齒莧一兩為末傅之

聖項上癰瘡外臺用馬莧陰乾燒研臘猪脂和以暖

莧同散花搗日三次腋下胡臭馬莧莧杆以蜜和作團紙裹

每以少許和蜜作餅先以生布措之以藥夾脇下令極痛久忍然後以手中勒兩臂日用一次以瘥為度

金方千小兒火丹熱如火逸廣利方小兒臍瘡瘥久不

馬齒菜燒研傳之千金馬齒草燒研傳之須火根豌豆癰瘡逐藥出不出更傳肘後丁

瘡腫毒馬齒菜二分石灰三分反花惡瘡馬齒莧一斤燒研猪

脂和傳蛙脚臙瘡乾馬齒莧研末蜜調傳上一足趾甲

疽腫爛者屋上馬齒莧崑崙青木香印城益等分和勻燒存性入光明硃砂少許傳之外臺秘要

瘡久不瘥

積年者馬齒莧搗爛封之
收汁煎稠傅亦可

千金馬咬人瘡

入心者馬

齒莧煮食之

射工溪毒

馬齒莧搗汁一升服以滓傅之
四五次良

崔元亮海上方

毛虫螫人

赤痛不止馬齒莧搗熟封之妙

靈苑方

蜂蠆螫人

方同上張文仲方

蜈蚣咬傷

馬莧汁塗之

小兒白禿

馬齒莧煎膏塗之或燒灰猪脂和塗

惠方身面癩痕

馬齒莧湯日洗二次

雜物眯目

不出用東牆上馬齒莧燒

灰研細點少許于背頭即出也

聖惠方

子主治明目仙經用之

開寶

延年益壽

孟詵

青盲白翳除

邪氣利大小腸去寒熱以一升擣末每以一匙用葱

豉煮粥食或著米糝五味作羹食

鏡心

附方

新

目中出淚

或出膿用馬齒莧子人莧子各半兩爲末綿裹銅器中蒸熟熨大背

頭膿水出處每熨以五十度爲率久久自絕

聖惠

苦菜

本經上品

校正

併入嘉祐苦莖苦蕒

釋名茶

音茶本經

苦莖

嘉祐

苦蕒

綱目

游冬

別錄

福莖

日

老鸛菜

救荒

天香菜

時珍曰

苦茶以味名也經歷冬春故曰游冬許氏說文莖作葦吳人呼爲苦蕒其義

未詳嘉祐本草言嶺南吳人植莖供饌名苦莖而又重出苦莖及苦蕒條今並併之

集解

別錄曰苦菜生益州山谷山陵道旁凌冬不死三月三日采陰乾桐君藥錄曰苦菜三月生扶

疎六月花從葉出莖直花黃八月實黑實落根復生
冬不枯恭曰爾雅云茶苦菜也易通卦驗玄圖云苦
菜生于寒秋經冬歷春得夏乃成一名游冬葉似苦
莖而細斷之有白汁花黃似菊所在有之其說與桐
君畧同苦識俗亦名苦菜非此茶也保昇曰春花夏
實至秋復生花而不實經冬不凋宗奭曰此月令四
月小滿節後苦菜秀是也四方皆有在北道者則冬
方凋生南方者冬夏常青葉如苦莖而狹綠色甚淡
析之白乳汁出味苦花似野菊春夏秋皆旋開時珍
曰苦菜即苦蕒也家栽者呼爲苦莖實一物也春初
生苗有赤莖白莖二種其莖中空而脆折之有白汁
甜葉似花蘿蔔菜葉而色綠帶碧上葉抱莖稍菜似
鶴嘴每葉分叉攏挺如穿葉狀開黃花如初綻野菊
一花結子一叢如筒蒿子及鶴虱子花罷則收斂子
上有白毛茸茸隨風飄揚落處即生士良曰蠶蛾出
時不可折取令蛾子青爛蠶婦亦忌食之然野莖若

五六回拗後味反甘
滑勝于家苦費也

正誤

弘景曰苦菜疑即茗也茗一名茶凌冬不凋作飲能令人不眠恭曰詩云誰謂荼苦即苦菜異

名也陶氏謂茶爲茗茗乃木類按爾雅釋草云茶苦菜也音途釋木云檟苦茶也音連遐切二物全別不

得比例陶

說誤矣

菜氣味苦寒無毒

張機曰野苴不可共蜜食令人作肉痔時珍曰脾胃虛寒人不可食

主治五臟邪氣厭

延叶反伏也

穀胃痺久服安心益氣聰

察少臥輕身耐老

本經

腸澀渴熱中疾惡瘡久服耐饑

寒豪氣不老

別錄

調十二經脉霍亂後胃氣煩逆久服

強力雖冷甚益人

嘉祐

擣汁飲除面目及舌下黃其白

汁塗丁腫拔根滴癩上立潰

藏器

點瘕子自落

衍義

傅蛇

咬明明目主諸痢

汪機

血淋痔瘻

時珍

發明

宗爽曰苦苣搗汁傅丁瘡殊驗青苗陰乾以備冬月爲末水調傅之時珍曰按洞天保生錄云

夏三月宜食苦蕒能益心和血通氣也又陸文量菽園雜記云凡病痔者宜用苦苣菜或鮮或乾煮至熟

爛連湯置器中橫安一板坐之先熏後洗冷即止日洗數次屢用有效

附方新血淋尿血

苦蕒菜

一把

酒水各半煎服

血脈不調

苦蕒

菜晒乾爲末每服二錢溫酒下衛生易簡方

喉痺腫痛

野苦蕒搗汁半盞燈心以湯浸捻汁

半盞和勻服
普濟方

對口惡瘡

野苦蕒搗汁一鍾入薑汁一匙和酒服以渣傳一二次即

愈
唐瑤
經驗方

中沙虱毒

沙虱在水中人澡浴則着人身鑽入皮裏初得皮上正赤如小

豆黍粟摩之痛如刺三日後寒熱發瘡毒若入骨殺人嶺南多此即以茅葉刮去以苦菜汁塗之佳

後
壺蜂叮螫
苦蕒汁塗之良

摘玄方

根主治赤白痢及骨蒸並煮服之

嘉祐

治血淋利小便

時珍

花子氣味甘平無毒主治去中熱安心神

宗奭

黃疸疾

連花子研細二錢水煎服日二次良

汪穎

白苣

宋嘉祐

釋名石苣

綱目

生菜

時珍曰白苣苦苣蒿苣俱不可煮烹皆宜生按去汁鹽醋拌食通可

曰生菜而白苣稍美故獨得專稱也王氏農書謂之石苣陸璣詩疏云青州謂之芭可生食亦可蒸茹

集解

藏器曰白苣似蒿苣葉有白毛時珍曰處處有之似蒿苣而葉色白折之有白汁正二月下種四

月開黃花如苦蕒結子亦同八月十月可再種故諺云生菜不離園按合璧事類云苣有數種色白者爲白苣色紫者爲紫苣味苦者爲苦苣

菜氣味苦寒無毒

炳曰平患冷氣人食之即腹冷亦不至苦損人產後不可食令人寒

中小腸痛思邈曰不可共酪食生虫蠱

主治補筋骨利五臟開胸膈

氣通經脉止脾氣令人齒白聰明少睡可煮食之

孟詵

解熱毒酒毒止消渴利大小腸

原

附方

舊

一魚臍瘡

其頭白似腫痛不可忍先以針刺破頭及四畔以白苴滴孔中良

外臺

秘要

苴

食療

釋名苴菜千金菜

時珍曰按彭乘墨客揮犀云苴菜自周國來故名

集解

藏器曰苴苴有白者紫者紫者入燒煉藥用時珍曰苴苴正二月下種最宜肥地葉似白苴而

尖色稍青折之有白汁粘手四月抽莖高三四尺剝皮生食味如胡瓜糟食亦良江東人益晒壓乾以備

方物謂之萹筍也
花子並與白萹同

菜氣味苦冷微毒

李廷飛曰久食昏人目患冷人不
宜食時珍曰按彭乘云萹筍有毒

百虫不敢近蛇虺觸之則目瞑不見物人中其毒以
薑汁解之藏器曰紫萹筍有毒入燒煉用丹房鑑源
曰萹筍用硫黃種結砂子制硃砂又
曰紫色萹筍和土作器火煨如銅也 主治利五臟通

經脉開胸膈功同白萹藏器利氣堅筋骨去口氣白齒

牙明眼目原通乳汁利小便殺蟲蛇毒時珍

附方舊一乳汁不通萹筍菜煎酒小便不通萹筍菜

上即通衛 小便尿血同上方甚效沙蟲水毒萹筍

生易簡方

小便利尿血

同上方甚效

沙蟲水毒

萹筍

汁塗之良
時後方
蚰蜒入耳
萬萑葉乾者一分雄黃一分爲末糊丸棗核大蘸生油塞耳中

引出
聖惠方
百蟲入耳
萬萑搗汁滴入自出也
聖濟總錄

子入藥炒用
主治下乳汁通小便治陰腫痔漏下血傷損

作痛時珍

附方新五
乳汁不行
萬萑子三十枚研細酒服
又

米粳米各半合
煮粥頻食之
小便不通
萬萑子一合生甘草三錢糯餅貼臍中
腎黃

如金
萬萑子一合細研水一盞煎五分服
外臺秘要
陰囊癰腫
萬萑子一合擣末水

一盞煎五
沸溫服
閃損腰痛
起痛丸用白萑子炒三兩白粟米炒一撮乳香沒藥烏梅肉

各半兩爲末煉蜜丸彈子大每
嚼一九熱酒下 玉機微義

髭髮不生

癩瘡疤上
不生髭髮

先以竹刀刮損以萬苕子糊
糊搽薑末頻搽之 摘玄方

水苦蕒

宋圖
經

校正

自外類
移入此

釋名謝婆菜

圖經

半邊山

集解

頌曰水苦蕒生宜州溪澗側葉似苦蕒而厚
光澤根似白朮而軟二八九月采其根食之

根氣味微苦辛寒無毒主治風熱上壅咽喉腫痛及

項上風癰以酒磨服

蘇頌

翻白草

救荒

釋名雞腿根

救荒

天藕

野菜譜時珍曰翻白以葉之形名鷄腿天藕以根之味名也楚

人謂之湖雞腿
淮人謂之天藕

集解

周憲王曰翻白草高七八寸葉硬而厚有鋸齒背白似地榆而細長開黃花根如指大長三寸

許皮赤肉白兩頭尖峭生食煮熟香宜時珍曰雞腿兒生近澤田地高不盈尺春生弱莖一莖三葉長而厚有皺紋鋸齒面青背白四月開小黃花結子如胡荽子中有細子其根狀如小白菜頭剝去赤皮其內白色如雞肉食之有粉小兒生食之荒年人掘以和飯食

根氣味甘微苦平無毒主治吐血下血崩中瘡疾瘡

瘡

時珍

附方 崩中下血

新

用湖雞腿根一兩搗碎酒二

瀕湖集簡方

吐血

不止

翻白草每用五七科以咀
水二鍾煎一鍾空心服

瘧疾寒熱

翻白草根

酒服 無名腫痛

上方同

疔毒初起

不拘已成未成用翻
白草十料酒煎服出

汗即愈

渾身疥癩

端午日午時采翻白草
每用一握煎水洗之

臙瘡潰爛

干端

日午時采翻白草洗收每用一握煎湯
盆盛圍住煎洗効 劉松石保壽堂方

仙人杖草

拾遺

校正

自草部
移入此

集解

藏器曰仙人杖生劔南平澤葉似苦苣叢生陳
子昂觀玉篇序云予從補闕喬公北征夏四月

次于張掖河洲草木無他異者惟有仙人杖往往叢
生于家世代服食者皆常餌之因為喬公言其功甘

心食之人或謂喬公曰此白棘也公乃訊子因作觀
玉篇馬頰曰仙人杖有三物同名一種是菜類一種
是枯死竹筍之色黑者枸杞一名仙人杖是也此仙
人杖乃作菜茹者白棘木類何因相似或曰喬公所
謂白棘乃枸杞是枸杞之有針者本經枸杞無白棘
之名又其味苦此菜味甘乃知草木之類多而難識
使人惑疑似之言以真爲僞宜乎子昂論著之詳也
時珍曰別有仙人草生階除間高二三寸又有仙人
掌草生于石壁上皆與此名同
物異不可不審並見石草類

氣味甘小溫無毒主治作茹食去痰癖除風冷
服長生堅筋骨令人不老
藏器

蒲公英

唐本草

校正

自草部移入此

釋名耨耨草

音耨

金簪草

綱目

黃花地丁

時珍曰名義未詳孫思邈

千金方作昆公英蘓頌圖經作僕公嬰庚辛玉冊作鵝鵠英俗呼蒲公丁又呼黃花地丁淮人謂之白鼓釘蜀人謂之耳癩草闕中謂之狗乳草按土宿本草云金簪草一名地丁花如金簪頭獨脚如丁故以名之

集解

保昇曰蒲公英草生平澤田園中莖葉似苦苣斷之有白汁堪生噉花如單菊而大四五月

采之頌曰處處有之春初生苗葉如苦苣有細刺中心抽一莖莖端出一花色黃如金錢俗訛爲僕公嬰是也宗奭曰即今地丁也四時常有花飛絮絮中有子落處即生所以庭院間皆有者因風而來時珍曰丁江之南北頗多他處亦有之嶺南絕無小科布地四散而生莖葉花絮並似苦苣但小耳嫩苗可

食戾辛玉冊云地丁葉似小萵苣花似大旋菘一莖
聳上三四寸斷之有白汁二月采花三月采根可制
汞伏三黃有紫花者名大丁草出太行王屋諸山陳
州亦有名燒金草能煨硃砂一種相類而無花者名
地膽草亦可
伏三黃砒霜

苗氣味甘平無毒主治婦人乳癰水腫煮汁飲及封

之立消恭解食毒散滯氣化熱毒消惡腫結核丁腫

震亨 慘牙烏鬚髮壯筋骨時珍 白汁塗惡刺狐尿刺瘡即

愈頌

發明 呆曰蒲公英苦寒足少陰腎經君藥也本經必
用之震亨曰此草屬土開黃花味甘解食毒散

滯氣可入陽明太陽經化熱毒消腫核有奇功同忍
冬藤煎湯入少酒佐服治乳癰服罷欲睡是其功也
睡覺微汗病即安矣頌曰治惡刺方出孫思邈千金
方其序云邈以貞觀五年七月十五日夜以左手
指背觸着庭木至曉遂患痛不可忍經十日痛日深
瘡日高大色如熟小豆色常聞長者論有此方遂用
治之手下則愈痛亦除瘡亦即瘥未十日而平復如
故楊炎南行方亦著其効云時珍曰薩謙齋端竹堂
方有擦牙烏鬚髮還少丹甚言此草之功蓋取其能
通腎也故東垣李氏言其爲少陰本經必用之藥而
著本草者不知此義

附方新
五還少丹

昔日越王曾遇異人得此方極能固齒
牙壯筋骨生腎水凡年未及八十者服
之鬚髮返黑齒落更生年少服之至老不衰得過此
者宿有仙緣當珍重之不可輕泄用蒲公英一斤一

名構耨草又名蒲公嬰生平澤中三四月甚有之秋後亦有放花者連根帶葉取一斤洗淨勿令見天日眼乾入斗子解鹽一兩香附子五錢二味爲細末入蒲公草內淹一宿分爲二十團用皮紙三四層裹扎定用六一泥即蚯蚓糞如法固濟入竈內焙乾乃以武火煨通紅爲度冷定取出去泥爲末早晚擦牙漱之吐嚙任便久久

方効 瑞竹堂方

乳癰紅腫

蒲公英一兩忍冬藤二兩搗爛水二鍾煎一鍾

食前服 睡覺病即

疔瘡疔毒

蒲公英搗爛覆之即黃去矣 積德堂方

酒煎服 取汗

多年惡瘡

蒲公英搗爛

蛇螫腫痛

上方同

黃瓜菜

食物

釋名黃花菜

時珍曰其花黃其氣如瓜故名

集解

頤曰黃瓜菜野生田澤形似油菜但味少苦取為羹茹甚香美時珍曰此菜二月生苗田野編

有小科如薺三四五月開黃花與莖葉並同地丁但差小耳一科數花結細子不似地丁之花成絮也野人茹之亦采以飼鷄兒

氣味甘微苦微寒無毒主治通結氣利腸胃

汪頤

生瓜菜

宋圖經

釋解

頤曰生瓜菜生資州平田陰畦間春生苗長三四寸作叢生葉青而圓似白莧菜夏開紫白花

結細實黑色其味作生瓜氣故以為名

氣味甘微寒無毒

主治走注攻頭面四肢及陽毒傷寒壯熱頭痛心神

煩燥利胸膈擣汁飲之又生擣貼腫

蘇頌

落葵

別錄下品

釋名落葵

爾雅

藤葵

食鑑

藤菜

綱目

天葵

別錄

繁露

同

御菜

俗

燕脂菜

志曰落葵一名藤葵俗呼爲胡燕脂時珍曰落葵葉冷滑如葵故得葵名釋家呼爲御菜

亦曰燕兒菜爾雅云燕葵繁露也一名承露其葉最能承露其子垂垂亦如綴露故得露名而落二字相似疑落字乃葵字之記也按考工記云大圭終葵首也註云齊人謂椎曰終葵圭首六寸爲椎然則此

菜亦以其葉似椎頭而名之乎

集解

弘景曰落葵又名承露人家多種之葉惟可餽鮮食冷滑其子紫色女人以漬粉傅面爲假色

少入藥用保界曰蔓生葉圓厚如杏葉子似五味子生青熟黑所在有之時珍曰落葵三月種之嫩苗可食五月蔓延其葉似杏葉而肥厚軟滑作蔬和肉皆宜八九月開細紫花累累結實大如五味子熟則紫黑色揉取汁紅如燕脂女人飾面點唇及染布物謂之胡燕脂亦曰染絳子但久則色易變耳

葉氣味酸寒滑無毒

時珍曰甘微酸冷滑脾冷人不可食弘景曰曾爲狗齧者食之

終身
不癢

主治滑中散熱

別錄

利大小腸

時珍

子主治悅澤人面

別錄

可作面脂

蘇頌說曰收子蒸過烈日中暴乾按去皮

取仁細研和白蜜
塗面鮮華立見

蕺

音蕺
錄下品
別

釋名蕺菜

蕺

魚鯉草

時珍曰蕺字段公路北戶錄作
蕺音蕺秦人謂之蕺子蕺蕺音

相近也其葉鯉魚
故俗呼爲魚鯉草

集解

菘曰蕺菜生濕地山谷陰處亦能蔓生葉似菘
麥而肥莖紫赤色山南江左人好生食之關中

謂之蕺菜保界曰莖葉俱紫赤其有臭氣時珍曰菜
趙叔文醫方云魚鯉草即紫蕺葉似苻其狀三角一
邊紅一邊青可以養猪又有五蕺即五
毒草花葉相似但根似狗脊見草部

葉氣味辛微温有小毒

別錄曰多食令人氣喘弘景
曰俗傳食蕺不利人脚恐由

閉氣故也。今小兒食之便覺脚痛。說曰：小兒食之三歲不行，久食發虛弱，損陽氣，消精髓。思邈曰：素有脚氣，人食之，一世不愈。

主治：蝮尿瘡、淡竹筒內煨熟，搗傅惡瘡、白禿。

散熱毒、癰腫、瘡、痔、脫肛、斷疔、疾、解、砒、毒。

時珍

附方：舊一背瘡、熱腫、熱毒、冷即易之、留孔、以洩、經、驗、方、痔、漏。

腫痛：魚鯉草一握，煎湯，魚洗，仍以草挹，痔即愈。一方：洗後以枯礬八片，腦少許，傅之。救急方：疔。

瘡作痛：魚鯉草搗爛，傅之，痛一二時不可去。草痛後，一二日即愈。藏人所傳方也。陸氏積德堂。

方：小兒脫肛。魚鯉草搗如泥，先以朴硝水洗過，用芭蕉葉托住，藥坐之，自入也。永類方。

虫牙作痛

魚鯉草花椒菜子油等分搗勻入泥少許和作小丸如豆大隨牙左右塞耳內兩邊

輪換

不可一齊用恐閉耳氣塞一

斷絕瘡疾

紫葢一

日夜

取看有細虫爲効

簡便方

握搗爛

絹包周身摩擦得睡有汗即愈

惡蛇虫傷

魚鯉草皺面草槐樹

臨發前一時作之

救急易方

葉草决明一處杆爛

傳之甚効同上

蕨

拾遺

釋名鼈

時珍曰爾雅云蕨鼈也菜名陸佃埤雅云蕨初生無葉狀如雀足之拳又如人足之蹶故

謂之蕨周秦曰蕨齊魯曰鼈初生

亦類鼈脚故也其苗謂之蕨其

集解

葢器曰蕨生山間根如紫草人采茹食之時珍曰蕨處處山中有之二三月生芽拳曲狀如小

兒孝長則展開如鳳尾高三四尺其莖嫩時采取以
灰湯煮去涎滑晒乾作蔬味甘滑亦可醋食其根紫
色皮內有白粉搗爛再三洗澄取粉作粗粒盪皮作
線食之色淡紫而甚滑美也楚人飢年掘取治造不精
聊以救荒味即不佳耳詩云陟彼南山言采其蕨陸
璣謂其可以共祭故采之然則蕨之爲用不獨救荒
而已一種紫蕨似蕨有花而味苦謂之迷蕨初生亦
可食爾雅謂之月爾三蒼謂之紫蕨郭璞云花繁月
爾紫蕨拳曲繁盛
故有月爾之名

蕨及根氣味甘寒滑無毒

洗日久食令人目暗鼻塞
髮落又冷氣人食多腹脹

小兒食之脚弱不能
行思邈曰久食成瘕

主治去暴熱利水道令人睡藏補五臟不足氣壅經

絡筋骨間毒氣益根燒灰油調傳蛇蝎傷時珍音蕭虫名

發明

藏器曰多食消陽氣故令人睡弱人脚四皓食芝而壽夷齊食蕨而夭固非良物干寶搜神記

云郁鑑鎮丹徒二月出獵有甲士折蕨一枝食之覺心中淡淡成疾後吐一小蛇縣屋前漸乾成蕨遂明此物不可生食也時珍曰蕨之無益爲其性冷而滑能利水道洩陽氣降而不升耗人真元也四皓采芝而心逸夷齊采蕨而心憂其壽其大在于蕨何與焉陳公之言可謂迂哉然飢人殫死賴蕨延活又不無濟世之功

附方

新一腸風熱毒蕨菜花培爲末每服二錢米飲下聖惠

水蕨

綱目

集解

時珍曰水蕨似蕨生水中呂氏春秋云菜之美者有雲夢之萱即此菜也萱因豈

氣味甘苦寒無毒

主治腹中痞積淡煮食一二日即下惡物忌雜食一

月餘乃佳

時珍衛生方

薇

裕遺

校正

自草部移入此

釋名垂水

爾雅

野豌豆

綱目

大巢菜

時珍曰按許慎說文云薇似藿乃菜之微

者也王安石字說云薇賤所食因謂之薇故詩以采薇賦成役孫炎註爾雅云薇草生水旁而枝葉垂于

水故名垂水也巢菜見翹搖下

集解

藏器曰薇生水旁葉似萍蒸食利人三秦記云夷齊食之三年顏色不異武王誡之不食而死

李珣曰薇生海池澤中水菜也時珍曰薇生麥田中原澤亦有故詩云山有薇薇非水草也即今野豌豆蜀人謂之巢菜蔓生莖葉氣味皆似豌豆其莖作蔬入羹皆宜詩云采薇采薇薇亦柔止禮記云芣苢以薇皆此物也詩疏以爲迷蕨鄭氏通志以爲金櫻芽皆謬矣項氏云巢菜有大小二種大者即薇乃野豌豆之不實者小者即蕪東坡所謂元修菜也此說得之

氣味甘寒無毒

主治久食不饑調中利大小腸

藏器

利水道下浮腫潤

大腸

珣

翹搖拾遺

釋名搖車

爾雅

野蠶豆

綱目

小巢菜

藏器

曰翹搖幽州人謂之苔搖爾雅云杜

夫搖車俗呼翹車是矣蔓生細葉紫花可食時珍曰翹搖言其莖葉柔婉有翹然飄搖之狀故名燕東坡云菜之美者蜀鄉之巢故人巢元修嗜之因謂之元修菜陸放翁詩序云蜀蔬有兩巢大巢即豌豆之不一實者小巢生稻田中吳地亦多名漂搖草一名野蠶豆以油燻之綴以米糝名草花食之佳作羹尤美

集解藏器曰翹搖生平澤蔓生如螢豆紫花時珍曰處處皆有蜀人秋種春采老時耕轉墾田故薛

田詩云刺種疏巢沃晚田蔓似螢豆而細葉似初生槐芽及蒺藜而色青黃欲花未萼之際采而蒸食點酒下鹽芼羹作餡味如小豆藿至三月

開小花紫白色結角子似豌豆而小

氣味辛平無毒

說曰煮食佳生食令人吐水

主治破血止血生肌搗汁服之療五種黃病以瘥爲

度

藏器

利五臟明耳目去熱風令人輕健長食不厭甚

益人

孟詵

止熱瘡活血平胃

時珍

附方

新二

活血明目
溲搖豆爲末甘草湯服二錢日二服

衛生易簡方熱瘡不

止

起搗并汁服之
廣利方

鹿藿

本經下品

校正

自草部移入此

釋名鹿豆

郭璞

瑩豆

音勞亦作踈

野綠豆

時珍曰豆葉曰藿鹿喜食之故名俗

呼瑩豆瑩鹿音相近也王磐野菜譜作野綠
豆爾雅云藟音卷鹿藿也其實菰音紐即此

集解

別錄曰鹿藿生汶山山谷弘景曰方藥不用人
亦無識者但葛苗一名鹿藿恭曰此草所在有

之苗似豌豆而引蔓長粗人采爲菜亦微有豆氣山
人名爲鹿豆也保昇曰鹿豆可生散五月六月采苗
日乾之邪璞註爾雅云鹿豆葉似大豆蔓延生根黃
而香是矣時珍曰鹿豆即野綠豆又名瑩豆多生麥
地田野中苗葉似綠豆而小引蔓生生熟皆可食三
月開淡粉紫花結小莢其子大如椒子黑色可煮食
或磨麩作餅蒸食

氣味苦平無毒主治蠱毒女子腰腹痛不樂腸癰瘰

癰瘍氣

經本

止頭痛

梁簡文
勸醫文

灰藿

音狄 宋嘉祐

校正

原自草部移入穀部今復移入此

釋名灰滌菜

綱目

金鎖天

時珍曰此菜莖葉上有細灰如沙而枝葉翹翹故名梁簡

文帝勸醫文作灰滌菜俗訛爲灰滌菜雷公炮灸論謂之金鎖天

集解

藏器曰灰藿生于熟地葉心有白粉似藜但藜心赤莖大堪爲杖入藥不如白藿也其子炊爲

飯香滑時珍曰灰藿處處原野有之四月生苗莖有紫紅線稜葉尖有刺面青背白莖心嫩葉背面皆有白灰爲蔬亦佳五月漸老高者數尺七八月開細白花結實簇簇如穗中有細子蒸暴取仁可炊飯及磨粉食救荒本草云結子成穗者味甘

修治

散穗者微若生墻下樹下者不可用
數曰灰藿即金鎖天葉撲蔓翠往往有金星堪用若白青色者是妓女莖不中用也若使金鎖

天莖高二尺五六寸爲妙若長若短皆不中使凡用勿令犯水去根日乾以布拭去肉毛令盡細剉焙乾用之時珍曰妓女莖即地膚子苗與灰藿莖相似而葉不同亦可爲蔬詳見木條

莖葉氣味甘平無毒主治惡瘡蟲蠶蜘蛛等咬擣爛和油傅之亦可煮食作湯浴疥癬風瘙燒灰納齒孔中殺蟲匿含漱去疔瘡以灰淋汁蝕癰肉除白癩風

黑子面黔着肉作瘡

藏器

附方新一疔瘡惡腫

缺灰藿菜葉燒灰搗破瘡皮唾調少許點之血出爲度

普濟

子仁氣味甘平無毒主治炊飯磨麩食殺三蟲

藏器

藜

綱目

釋名萊

詩疏

紅心灰藿

玉冊

鶴頂草

土宿本草

臘脂菜

許下文

集解

時珍曰藜處處有之即灰藿之紅心者莖葉稍大河南人名落藜南人名臘脂菜亦曰鶴頂草

皆因形色名也嫩時亦可食故昔人謂藜藿與膏粱不同老則莖可為杖詩云南山有臺北山有萊陸璣

註云萊即藜也初生可食譙沛人以難蘓為萊三蒼以萊莢為萊皆名同物異也韻府謂藜為落帚亦誤

矣實藏論云鶴頂龍芽其頂如鶴八九月和子收之入外丹用

葉氣味甘平微毒

時珍曰按庚辛玉冊云鶴頂陰草也搗汁煮粉霜燒灰淋汁煎粉霜

本草綱目

伏礬石結草砂制硫
伏汞及雌黃砒石

主治殺蟲
煎湯洗蟲瘡漱齒

蠶搗爛塗諸蟲傷去癩風

時珍

附方

一新

白癩風

紅灰糞五斤茄子根莖三斤蒼耳根
莖五斤並曬乾燒灰以水一斗煎湯

淋汁熬成膏別以好乳香半兩鉛霜一分膩粉
一分鍊成牛脂二兩和勻每日塗三次 聖惠

莖主治燒灰和荻灰蒿灰等分水和蒸取汁煎膏點

疣贅黑子蝕惡肉

時珍

秦荻藜

唐本草附

釋名

時珍曰按山海經云秦山有草名曰藜如荻可
以爲蘆此即秦荻藜也蓋亦藜類其名亦由此

得之

集解

恭曰秦菽菘生下濕地所在有之人所噉者說曰此物于生菜中最香美

氣味辛溫無毒主治心腹冷脹下氣消食和醬醋食

之

唐本

破氣甚良又末之和酒服療心痛悒悒塞滿氣

孟說

子主治腫毒擣末和醋封之日三易

孟說

醞菜

證類

集解

時珍曰唐慎微證類本草收此而形狀莫考惟雷斅炮炙論云形似牛皮蔓栝之有乳汁出香

甜入頂采得以苦竹刀細切入砂盞中研如膏用生絹按汁出暖飲然亦不云治何病也

氣味甘溫無毒主治月水不利擣葉絞汁和酒煎服

一盞

金千

附方 傷中崩赤

舊

醞酬杆汁拌酒煎沸空心服一盞 千金方

附錄茅膏菜

拾遺藏器曰味甘平無毒煮服主赤白久痢生茅中高一尺有毛如油膩粘人

手子作

雞侯菜

又曰味辛溫無毒久食溫中益氣願微廣州記云生嶺南似艾二月生苗

宜雞羹食

孟娘菜

又曰味苦小溫無毒主婦人腹中血結羸瘦男子陰囊濕痒強陽道

之故名

令人健行不睡補虛去痔瘻癰瘕癭瘤生四明諸山冬夏常有葉似升麻方莖山人采茹之

優殿

又曰味辛溫無毒溫中去惡氣消食生安南人種爲茹南方草木狀云合浦有優殿人種之以豆醬食之

芳香
好味

芋

別錄
中品

校正

自果部
移入此

釋名上芝

別錄蹲鴟

時珍曰按徐鉉註說文云芋猶吁也大葉實根駭吁人也吁音芋疑

怪貌又史記卓文君云岷山之下野有蹲鴟至死不餓註云芋也蓋芋魁之狀若鴟之蹲坐故也芋魁東

漢書作芋渠
渠魁義同

集解

弘景曰芋錢塘最多生則有毒味發不可食種芋三年不采則成根芋又別有野芋名老芋形

葉相似如一根並殺人蔡曰芋有六種青芋紫芋真芋白芋連禪芋野芋也其類雖多苗並相似莖高尺

餘葉大如扇似荷葉而長根類薯蕷而圓其青芋多
子細長而毒多初煮頭灰汁更易水煮熟乃堪食爾
白芋真芋連禪紫芋並毒少正可煮啖之兼肉作羹
甚佳蹲鴟之饒蓋謂此也野芋大毒不可啖之關陝
諸芋遍有山南江左惟有青白紫三芋而已頌曰今
處處有之閩蜀淮楚尤多植之種類雖多大抵性効
相近蜀川出者形圓而大狀若蹲鴟謂之芋魁彼人
種以當糧食而度饑年江西閩中出者形長而大其
細者如卵生于魁旁食之尤美凡食芋並須栽蔣者
其野芋有大毒不可食宗奭曰江浙二川者最大而
長京洛者差圓小然味佳他處不及也當心出苗者
爲芋頭四邊附之而生者爲芋子八九月已後掘食
之時珍曰芋屬雖多有水旱二種旱芋山地可種水
芋水田蔣之葉皆相似但水芋味勝莖亦可食芋不
開花時或七八月間有開者抽莖生花黃色旁有一
長萼護之如半邊蓮花之狀也按郭義恭廣志云芋

凡十四種君子芋魁大如斗赤鷓芋即連禪芋魁大
子少百果芋魁大子繁畝叔百斛青邊芋旁巨芋車
藍芋三種並魁大子少葉長丈餘長味芋味美莖亦
可食雞子芋色黃九面芋大而不美青芋曹芋象芋
皆不可食惟莖可作蘆早芋九月
熟蔓芋緣枝生大者如二三升也

芋子氣味辛平滑有小毒

大明曰冷弘景曰生則有毒味蒼不可食性滑下石

服餌家所忌恭曰多食動宿冷
宗奭曰多食難化滯氣因脾

主治寬腸胃充肌膚

滑中別錄冷啖療煩熱止渴

蘇恭

令人肥白開胃通腸閉

產婦食之破血飲汁止血渴

藏器

破宿血去死肌和魚

煮食甚下氣調中補虛

大明

集解

洗曰芋白色者無味紫色者破氣煮汁啖之止渴十月後晒乾以之冬月食不發病他時月不

可食又和鯽魚鱧魚作腫良久食治人虛勞無力又煮汁洗臍衣白如玉也大明曰芋以薑同煮過換水

再煮方

可食之

附方

舊二新二

腹中癖氣

生芋子一斤壓破酒五斤漬二七日空腹每飲一升神良

宙獨

身上浮風

芋煮汁浴之慎風半日

瘡冒風邪

腫痛用白芋燒

天傳之乾即易千金方

頭上軟癩

用大芋搗傅之即乾簡便方

葉莖氣味辛冷滑無毒主治除煩止瀉療妊婦心煩

迷悶胎動不安又鹽研傅蛇蟲咬并癰腫毒痛及署

毒箭

大明

梗擦蜂螫尤良

宗真

汁塗蜘蛛傷

時珍

發明

慎微曰沈括筆談云處士劉陽隱居王屋山見一蜘蛛爲蜂所螫墜地腹鼓欲裂徐行入草嚙

破芋梗以瘡就嚙處磨之良久腹消如故自後用治蜂螫有驗由此

附方

一新

黃水瘡

芋苗晒乾燒存性研

搽邵真人經驗方

附錄野芋

弘景曰野芋莖葉與芋相似芋種三年不

采成栲芋音呂並能殺人誤食之煩悶垂

死者惟以土漿及糞汁大豆汁飲之則活矣識器曰野芋生溪澗側非人所種者根葉相似又有天荷亦相似而大時珍曰小者爲野芋大者爲天荷俗名海芋詳見草部毒草類野芋根辛冷有大毒醋摩傅蟲瘡惡癬其葉搗塗毒腫初起無名者即消亦治蜂螫瘡塗之良

土芋

拾遺

校正

自草部移入此

釋名土卵

拾遺

黃獨

綱目

土豆

集解

藏器曰土芋蔓生葉如豆其根圓如卵麤煇食後彌吐人不可食又云土卵蔓生如芋人以灰

汁煮食之蒸曰土卵似小芋肉白皮黃梁漢人名爲黃獨可蒸食之

根氣味甘辛寒有小毒主治解諸藥毒生研水服當吐出惡物便止者熟食之甘美不飢厚人腸胃去熱

嗽

藏器

薯蕷

本經上品

校正

自草部移入此

釋名諸蕓

音諸

土諸

音除

山諸

經圖

山芋

吳善

山藥

衍義

玉延

吳普曰薯蕷一名諸薯一名兒草一名修脫齊魯名山芋鄉越名土諸秦楚名玉延頌曰江閩人單呼爲諸音若殊及部亦曰山諸山海經云景山北望少澤其草多諸蕓音同薯蕷則是一種但字或音殊或音諸不一或語有輕重或相傳之訛耳宗奭曰薯蕷因唐代宗名預避諱改爲薯藥又因宋英宗諱署改爲山藥盡失當日本名恐歲久以山藥爲別物故詳著之

集解

別錄曰薯蕷生嵩高山谷二月八月宋根暴乾

普曰亦生臨朐鍾山始生赤莖細蔓五月開白花七月結實青黃八月熟落其根內白外黃類芋弘景曰近道處處有之東山南江皆多掘取食之以充糧南康間最大而美服食亦用之恭曰此有兩種一者白而且佳日乾搗粉食大美且愈疾而補一者青

黑味殊不美蜀道者尤良頌曰處處有以北都四明者爲佳春生苗蔓延籬援莖紫葉青有三尖似白牽牛葉更厚而光澤夏開細白花大類棗花秋生實于葉間狀如鈴今人冬春采根刮之白色者爲上青黑者不堪近汴洛人種之極有息春取宿根頭以黃沙和牛糞作畦種之苗生以竹稍作援高一二尺夏月頻澆之當年可食極肥美南中一種生山中根細如指極緊實刮磨入湯煮之作塊不散味更真美云食之尤益人過于家園種者又江湖間中一種根如薑芋之類而皮紫極有大者一枚可重數斤削去皮煎煮食俱美但性冷于北地者耳彼土人呼爲諧南北之產或有不同故形類差別也甄權曰按劉敬叔異苑云薯蕷野人謂之土藟根既入藥又復可食人植之者隨所種之物而象之也時珍曰薯蕷入藥野生者爲勝若供饌則家種者爲良四月生苗延蔓紫莖綠葉葉有三尖似白牽牛葉而更光潤五六月開花

成穗淡紅色結莢成簇莢凡三稜合成堅而無仁其子別結于一旁狀似雷凡大小不一皮色土黃而肉白煮食甘滑與其根同王旻山居錄云曾得山芋子如荆棘子者食之更愈于根即此也霜後收子留種或春月采根

裁種皆生

修治

頌曰采白根刮去黃皮以水浸之糝白礬末少許入水中經宿淨洗去涎焙乾用宗真曰入藥

貴生乾之故古方皆用乾山藥蓋生則性滑不可入藥熟則滯氣只堪咬耳其法冬月以布裹手用竹刀刮去皮竹篩盛置簷風處不得見日一夕乾五分候全乾收之或置焙籠中微火烘乾亦佳數曰凡使勿用平田生二三紀者須要山中生經十紀者皮赤四面有鬚者妙采得以銅刀刮去赤皮洗去涎蒸過暴

用乾

根氣味甘溫平無毒

昔曰神農甘小溫桐君雷公甘涼無毒之才曰紫芝爲之使惡

甘 遂 主治傷中補虛羸除寒熱邪氣補中益氣力長肌

肉強陰久服耳目聰明輕身不饑延年本 主頭面遊

風頭風眼眩下氣止腰痛治虛勞羸瘦充五臟除煩

熱別 補五勞七傷去冷風鎮心神安魂魄補心氣不

足開達心孔多記事甄 強筋骨主泄精健忘大 益腎

氣健脾胃止泄痢化痰涎潤皮毛時 生擣貼腫硬毒

能消散

震亨

發明

權曰凡患人體虛羸者宜加而用之說曰利大

夫助陰力熟煮和蜜或爲湯煎或爲粉並佳乾
之入藥更妙惟和麩作飢飢則動氣爲不能制麩毒
也李杲曰山藥入手太陰張仲景八味凡用乾山藥
以其涼而能補也亦治皮膚乾燥以此潤之時珍曰
按吳綾云山藥入手足太陰二經補其不足清其虛
熱又按王履源洄集云山藥雖入手太陰然肺爲腎
之源源既有滋流宜無益此八味凡所以用其強陰
也又按曹毗杜蘭香傳
云食薯蕷可以辟霧露

附方

舊一
新十

補益虛損

益顏色補下焦虛冷小便頻數
瘦損無力用薯蕷于沙盆中研

細入銚中以酒一大匙熱令香旋添酒一
盞攪令勻空心飲之每旦一服 聖惠方 心腹虛脹

手足厥逆或飲苦寒之劑多未食先嘔不思飲食山
藥半生半炒爲末米飲服二錢一日二服大有功効

忌鐵器生冷
普濟方 小便數多
山藥以礬水煮過白茯苓等

門事 下痢禁口
山藥半生半炒為末每服二錢米飲下衛生易簡方 痰氣喘

急
生山藥搗爛半枕入甘蔗汁半枕和勻頻熱飲之立止 脾胃虛弱
不思飲食

山芋白朮一兩人參七錢半為末水糊丸
小豆大每米飲下四五十九 普濟方 濕熱虛泄

山藥蒼朮等分飯丸米飲服大
人小兒皆宜 瀕湖經驗方 腫痛初起
帶泥山藥菝麻子糲

米等分水浸研傅之
即散也 普濟方 膝眼骨瘍
山藥沙糖同搗塗上即消先以麩塗四圍

乃上此 簡便單方 項後結核
或赤腫硬痛以生山藥一挺去皮菝麻子二個同研貼之如神

易方 救急 手足凍瘡
山藥一截磨泥傅之 儒門事親

零餘子

拾遺

校正

自草部移入此

集解

藏器曰零餘子大者如雞子小者如彈丸在葉下生晒乾功用強于薯蕷薯蕷有數種此其一

也時珍曰此即山藥藤上所結子也長圓不一皮黃肉白煮熟去皮食之勝于山藥美于芋子霜後收之墜落在地者亦易生根

氣味甘溫無毒主治補虛損強腰脚益胃食之不饑

藏器

甘藷

綱目

集解

時珍曰按陳祈暢異物志云甘藷出交廣南方民家以二月種十月收之其根似芋亦有巨魁

大者如鷺卵小者如鷄鴨卵剝去紫皮肌肉正白如肌南人用當米穀果食蒸炙皆香美初時甚甜經久得風稍淡也又按嵇含草木狀云甘藷薯蕷之類或云芋類也根葉亦如芋根大如拳甌蒸食之味同薯蕷性不甚冷珠厓之不業耕者惟種此蒸切晒收以充糧糗名藷糧海中之人多壽亦由不食五穀而食甘藷故也

氣味甘平無毒主治補虛之益力健脾胃強腎陰功

同薯蕷時珍

百合本經中品

校正自草部移入此

釋名音翻音强瞿別錄蒜腦諸別錄曰一名摩羅一名重

名重邁一名中庭弘景曰百合俗人呼為強仇仇即覆也聲之訛耳時珍曰百合之根以衆瓣合成也或云專治百合病故名亦通其根如大蒜其味如山藷故俗稱蒜腦藷顧野王玉篇亦云藷乃百合蒜也此物花葉根皆四向故曰強瞿凡物

旁生謂之瞿義出韓詩外傳

集解

別錄曰百合生荊州山谷二月八月采根陰乾弘景曰迺道處處有之根如葫蒜數十片相累

人亦蒸煮食之乃云是蚯蚓相纏結變作之亦堪服食恭曰此有二種一種葉大莖長根粗花白者宜入藥一種細葉花紅色頌曰百合三月生苗高二三尺莖粗如箭四面有葉如鷄距又似柳葉青色近莖處微紫莖端碧白四五月開紅白花如石榴嘴而大根如葫蒜重疊生二三十瓣又一種花紅黃有黑斑點細葉葉間有黑子者不堪入藥按徐錯歲時廣記二月種百合法宜雞糞或云百合是蚯蚓化成而反好

雞糞理不可知也時珍曰百合一莖直上四向生葉
葉似短竹葉不似柳葉五六月莖端開大白花長五
寸六出紅藍四垂向下色亦不紅紅者葉似柳乃山
丹也百合結實畧似馬兜鈴其內子亦似之其瓣種
之如種蒜法山中者宿根年年自生未必盡是蚯蚓
化成也蚯蚓多處不聞盡有百合其說恐亦浪傳耳

正誤

宗奭曰百合莖高三尺許葉如大柳葉四向攢
枝而上其顛即開淡黃白花四垂向下覆長葉

花心有檀色每一枝顛須五六花子紫色圓如缺子
生于枝葉間每葉一子不在花中亦一異也根即百
合白色其形如松子四向攢生中間出苗時珍曰冠
氏所說乃卷丹非百合也蘓頌所傳不堪入藥者今
正其誤葉短而潤微似竹葉白花四垂者百合也葉
長而狹尖如柳葉紅花不四垂者山丹也莖葉似山
丹而高紅花帶黃而四垂上有黑斑點其子先結在
枝葉間者卷丹也卷丹以四月結子秋時開花根似

百合其山丹四月間花根小少辨蓋一類三種也吳
瑞本草言白花者名百合紅花者名強仇不知何所
也

根氣味甘平無毒

權曰有小毒

主治邪氣腹脹心痛利大

小便補中益氣

經本

除浮腫臙脹痞滿寒熱通身疼痛

及乳難喉痺止涕淚

別錄

百邪鬼魅涕泣不止除心下

急滿痛治脚氣熱欬

甄權

安心定膽益志養五臟治顛

邪狂叫驚悸產後血狂運殺蠱毒氣脇癩乳癩發背

諸瘡腫

大明

心急黃宜蜜蒸食之

說益

治百合病

宗真

溫肺

止嗽

元素

發明

頌曰張仲景治百合病有百合知母湯百合滑石代赭湯百合雞子湯百合地黃湯凡四方病

名百合而用百合治之不識其義頌曰百合新者可蒸可煮和肉更佳乾者作粉食最益人時珍曰按王

維詩云冥搜到百合真使當重肉果堪止淚無欲縱望江目蓋取本草百合止涕淚之說

附方

十三 舊三新

百合病

行住坐卧不定如有鬼神狀已

發汗者用百合七枚以泉水浸一宿明旦更以泉水煮取一升却以知母三兩用泉水二升煮一升同百

合汁再煮取一升半分服百合雞子湯治百合病已經吐後者用百合七枚泉水浸一宿明旦更以泉

水二升煮取一升入雞子黃一個分再服百合代赭湯治百合病已經下後者用百合七枚泉水浸一

宿明旦更以泉水二升煮取一升却以代赭石一兩滑石三兩水二升煮取一升同百合汁再煮取一升

半升再服 百合地黃湯治百合病未汗吐下者用百合七枚泉水浸一宿明旦更以泉水二升煮取

一分入生地黃汁一升同煎取一升 百合變渴 病已

半升再服 並仲景金匱要畧方 變成消渴者百合一升水一斗漬一宿取汁 溫浴病人浴畢食白湯餅 陳延之小品方 百合變

熱者用百合一兩滑石三兩為末飲 百合腹滿 者用

方寸七日二 小飲服 陰毒傷寒 良 孫真人食忌 百合煮濃汁服一升

肺臟壅熱 煩悶效嗽者新百合四兩蜜和蒸 肺病吐

血 新百合持汁和水飲之 耳聾耳痛 乾百合為末溫

服方千

拔白換黑

七月七日取百合熟搗用新瓷瓶盛之密封挂門上陰乾百日每故

去白者摻之即生黑者也 便氏圖纂

遊風隱疹

以楮葉摻動用鹽泥二兩百合半兩黃丹

二錢醋一分唾四分搗和貼之

瘡腫不穿

野百合同鹽搗泥傅之良 應驗方天

泡濕瘡

生百合搗塗一二日 瀕湖集簡方 魚骨硬咽末蜜水調圓

頸項包住不過三五次即下 聖濟

花主治小兒天泡濕瘡暴乾研末菜子油塗良

時珍

子主治酒炒微赤研末湯服治腸風下血

思邈

山丹

日華

釋名紅百合

日華

連珠

同

川強瞿

通志

紅花菜

集解

說曰百合紅花者名山丹其根食之不甚良不及白花者時珍曰山丹根似百合小而瓣少莖

亦短小其葉狹長而尖頗似柳葉與百合迥別四月開紅花六瓣不四垂亦結小子燕齊人采其花耐未開者乾而貨之名紅花菜卷丹莖葉雖同而稍長大其花六瓣四垂大于山丹四月結子在枝葉間入秋開花在顛頂誠一異也其根有瓣似百合不堪食別一種也

根氣味甘涼無毒

正要云平

主治瘡腫驚邪

大明

女人崩中

時珍

花氣味

同根

主治活血其蕊傳疔瘡惡腫

時珍

草石蠶

拾遺

校正

自草部移入此

釋名地蠶

日用

土蛹

錄餘冬

甘露子

食物

滴露

綱目

地瓜兒

時珍

曰蠶蛹皆以根形而名甘露以根味而名或言葉上
滴露則生珍常蔭之無此說也其根長大者救荒木

草謂之
地瓜兒

集解

藏器曰陶氏註虫部石蠶云今俗用草根黑色
按草石蠶生高山石上根如簪上有毛節如蠶

葉似卷柏山人取食之頌曰草根之似蠶者亦名石
蠶出福州今信州山石上四時常有其苗青亦有節三
月采根用機曰草石蠶徽州甚多土人呼為地蠶肥
白而促節大如三眠蠶生下濕地及沙磧間秋時耕
犁徧地皆是收取以醋淹作菹食冬月亦掘取之類
曰地蠶生郊野麥地中葉如薄荷少狹而尖文微皺

久光澤根白色狀如蠶四月采根水淪和鹽爲菜茹
之時珍曰卓石蠶即今甘露子也荆湘江淮以南野
中有之人亦栽時二月生苗長者近尺方莖對節狹
葉有齒並如雞蘇但葉皺有毛耳四月開小花成穗
一如紫蘆花穗結子如荆芥子其根連珠狀如老蠶
五月掘根蒸煮食之味如百合或以蘿蔔淘及鹽菹
水收之則不黑亦可醬漬蜜藏既可爲菜又可充
果陳藏器言石蠶葉似卷柏者若與此不同也

根氣味甘平無毒

時珍曰不宜生食及多食生
寸白蟲與諸魚同食令人吐

主治

浸酒除風破血煮食治溪毒

藏器

焙乾主走注風散血

止痛其節亦可搗末酒服蕪頌和五臟下氣清神

正

竹筍

蜀本草

校正

併入木部拾
遺桃竹筍

釋名竹萌

爾雅

竹芽

譜

竹胎

文

竹子

神異經

時珍曰

陸

從竹旬諧聲也

陸

佃云旬內為筍旬外為竹故字從旬今謂竹為妬母草謂筍生旬有六日而齊母也僧贊寧筍譜云筍一

名萌一名筍一名蕤一名莖一名初莖皆會意也俗作笋者非

集解

弘景曰竹類甚多筍以實中竹莖竹者為佳于藥無用頌曰竹筍諸家惟以苦竹筍為最貴然

苦竹有二種一種出江浙及近道者肉厚而葉長濶筍味微可啖一種出江西者木極粗大筍味殊苦不苦俗呼甜苦筍食品所宜亦不聞入藥用也時珍曰晉武昌戴凱之宋僧贊寧皆著竹譜凡六十餘種其所產之地發筍之時各各不同詳見木部竹下其筍亦有可食不可食者大抵北土鮮竹惟秦蜀吳楚以南則多有之竹有雌雄但看根上第一枝叟生者必雌也乃有筍土人于竹根行鞭時掘取嫩者謂之鞭

筍江南湖南人冬月掘大竹根下未出土者爲冬筍東觀漢記謂之苞筍並可鮮食爲珍品其他則南人淡乾者爲玉版筍明筍火筍鹽曝者爲鹽筍並可爲蔬食也按贊寧云凡食筍者譬如治藥得法則益人反是則有損米之宜避風日見風則本堅入水則肉硬脫殼煮則失味土着必則失柔煮之宜久生必損人若筍宜久煮乾筍宜取汁爲羹茹蒸之最美煨之亦佳味蒼者戟人咽先以灰湯煮過再煮乃良或以薄荷數片同煮亦去蒼味詩云其藪伊何惟筍及蒲禮云加豆之實筍菹魚醢則筍之爲蔬尚之久矣

諸竹筍氣味甘微寒無毒

藏器曰諸筍皆發冷血及氣瑞曰筍同羊肝食令人

音日

主治消渴利水道益氣可久食

別錄

利膈下氣化熱

消痰爽胃

寘原

苦竹筍氣味苦甘寒主治不睡去面目并舌上熱黃

消渴明目解酒毒除熱氣健人藏理心煩悶益氣力

利水道下氣化痰理風熱脚氣并蒸煮食之心鏡治出

汗中風失音注乾者燒研入鹽擦牙疳時珍

發明時珍曰四川叙州宜賓長寧所出苦筍彼人重之宋黃山谷有苦筍賦云焚道苦筍冠冕兩川

甘脆愜當小苦而成味溫潤縝密多啖而不痛食肴以之啓迪酒客爲之流涎蓋許之也如此

箠竹筍主治消渴風熱益氣力消腹脹蒸煮炒食皆

宜竇原

淡竹筍氣味甘寒主治消痰除熱狂壯熱頭痛頭風

并妊婦頭旋顛仆驚悸溫疫迷悶小兒驚癇天弔

汪類

冬筍等筍氣味甘寒主治小兒痘疹不出煮粥食之

解毒有發生之義

汪類

發明

說曰淡竹筍即中母筍雖美然發背悶脚氣箭竹筍新者可食陳者不宜諸竹筍多食皆動氣

發冷癥惟苦竹筍主逆氣不發疾類曰筍與竹瀝功近有人素患痰病食筍而愈也瑞曰淡筍甘筍苦筍冬筍鞭筍皆可久食其他雜竹筍性味不一不宜多食宗輿曰筍難化不益人脾病不宜食之一小兒食乾筍三寸許噎于喉中壯熱喘粗如驚服驚藥不效後吐出筍諸證乃定其難化也如此時珍曰贊寧筍

譜云筍雖甘美而滑利大腸無益于脾俗謂之刮腸
 篋惟生薑及麻油能殺其毒人以麻滓沃竹叢則次
 年凋疎可驗矣其蘄州叢竹缺斑竹匡廬扁竹澧州
 方竹嶺南蔥竹莠竹月竹諸筍皆苦韌不堪食也時
 珍常見俗醫治疽疔往往勸飲筍湯云能發瘰蓋不知
 疽瘡不宜大腸滑利而筍有刮腸之名則暗受其害
 者不知若干人也
 戒之哉戒之哉

桃竹筍

拾遺藏器曰南人謂之黃筍灰汁煮之可食
 不爾戰人啖其竹叢生醜類非一時珍曰桃

枝竹出川廣中皮滑而黃犀
 紋缺骨四寸有節可以為席

氣味苦有小毒主治六

畜瘡中蛆擣碎納之蛆盡出

藏器

刺竹筍

時珍曰生交廣中叢生大者圍二尺枝節皆
 有刺夷人種以為城伐竹為弓根大如車輻

一名
芭竹
氣味甘苦有小毒食之落人髮

竹譜

酸筍

綱目


集解

時珍曰酸筍出粵南顧玠海槎錄云筍大如臂
摘至用沸湯泡去苦水投冷井水中浸二三日

取出縷如絲繩醋煮可食好事者携入中州成罕物云

氣味酸涼無毒主治作湯食止渴解醒利膈

時珍



本草綱目卷二十七

欽定四庫全書

子部
本草綱目卷二十八

詳校官太醫院醫士 臣 舒岱

編修 臣 倉聖脈 覆勘

總校官 庶吉士 臣 何思鈞

校對官 待詔 臣 胡士震

謄錄 監生 臣 陳山琨

欽定四庫全書

本草綱目卷二十八目錄

菜之三

菰菜類十一種

內附一種

茄開寶

苦茄

拾遺

壺盧

日華

苦瓠

本經

敗瓢

綱目

冬瓜 本經

南瓜 綱目

越瓜 開寶
即梢瓜

胡瓜 嘉祐
即黃瓜

絲瓜 綱目
羅勒附
天

苦瓜 救荒

右附方舊二十五新一百零八

菜之四

水菜類六種

紫菜

食療

石蓴

拾遺

石花菜

食鑑

鹿角菜

食性

龍鬚菜

綱目

睡菜

綱目

菜之五

芝栢類十五種

內附
四種

芝

本經

木耳 本經

杉菌 圖經

阜角蕈 綱目

香蕈 日用

葛花菜 綱目

天花蕈 日用

磨菰蕈 綱目

雞縱 綱目

舵菜 綱目

土菌 拾遺 鬼益
地苓 鬼筆附

竹蓐 食療

蕈菌 本經 蜀格附

地耳 別錄

石耳 日用

右附方舊七新二十六

本草綱目卷二十八目錄

欽定四庫全書

本草綱目卷二十八

明 李時珍 撰

菜之三

蒞菜類一十一種
內附一種

茄

音伽
宋開寶

釋名落蘇

拾遺

崑崙瓜

御覽

草鼈甲

頌曰

按段成式云茄

呼茄菜其音若伽未知所自也時珍曰陳藏器本草云茄一名落蘇名義未詳按五代貽子錄作酪酥蓋

以其味如酥酪也於義似通杜寶拾遺錄云隋煬帝改茄曰崑崙紫瓜又王隱君養生主論治瘡方用乾

茄諱名草豔甲蓋以豔甲能治寒熱茄亦能治寒熱故爾

集解

頌曰茄子處處有之其類有數種紫茄黃茄南北有白茄青水茄惟北土有之入藥多用黃

茄其餘惟可作菜茄爾江南一種藤茄作蔓生皮薄似壺蘆亦不聞中藥宗奭曰新羅國出一種茄形如鷄子淡光微紫色蒂長味甘今中國已遍有之時珍曰茄種宜於九月黃熟時收取洗淨曝乾至二月下種移栽株高二三尺葉大如掌自夏至秋開紫花五瓣相連五稜如縷黃蕊綠蒂蒂包其茄茄中有瓢瓢中有子子如脂麻其茄有團如括樓者長四五寸者有青茄紫茄白茄白茄亦名銀茄更勝青者諸茄至老皆黃蘇頌以黃茄為一種似未深究也王禎農書云一種渤海茄白色而堅實一種番茄白而扁甘脆不濕生熟可食一種紫茄形紫蒂長味甘一種水茄形長味甘可以止渴洪容齋隨筆云浙西常茄皆皮

紫其白者為水茄江南常茄皆皮白其紫者為水茄亦一異也劉珣嶺表錄云交嶺茄樹經冬不凋有二三年漸成大樹者其實如瓜也茄葉摘布路上以灰圍之則子必繁謂之嫁茄

茄子氣味甘寒無毒

志曰凡久冷人不可多食損人動氣發瘡及痼疾李廷飛曰秋

後食多損目時珍曰按生生編云茄性寒利多食必腹痛下利女人能傷子宮也 主治寒熱

五臟勞

孟詵

治溫疾傳尸勞氣醋摩傳腫毒

大明

老裂者

燒灰治乳裂

震亨

散血止痛消腫寬腸

時珍

發明

宗奭曰蔬圃中惟此無益開寶本草並無主治止說損人後人雖有處治之法終與正文相失

圃人又下於暖處厚加真壤遂於小滿前後求貴價以售既不以時損人益多不時不食烏可忽也震亨

曰茄屬土故甘而喜降大腸易動者忌之老實治乳頭裂茄根煮湯漬凍瘡折蒂燒灰治口瘡俱獲奇効皆甘以緩火之意也時珍曰段成式酉陽雜俎言茄厚腸胃動氣發疾蓋不知茄之性滑不厚腸胃也

附方

舊五
新十
婦人血黃

黃茄子竹刀切陰乾為末每服二錢溫酒調下
摘玄方腸

風下血

經霜茄連蒂燒存性為末每日久患下血
空溫酒服二錢七
靈苑方

種三枚每用一枚濕紙包煨熟安瓶內以無灰酒
一升半沃之蠟紙封閉三日去茄暖飲
普濟方腹

內蠶癥

陳醬茄兒燒存性入麝香輕
粉少許脂調貼之
壽域方
卵瘡偏墜
用雙

子懸于房門上出入用眼視之茄蕩所患亦薦茄乾亦乾矣又方用雙茄懸門上每日抱兒視之二三次
釘鍼于上十餘日消矣
劉松石保壽堂方
大風熱痰
用黃老茄子大者
不計多少以新瓶

盛埋土中經一年盡化為水取出入苦參末同凡梧子大食已及卧時洒下三十九甚効此方出江南人

傳 蕪頌

腰脚拘攣

腰脚風血積冷筋急拘攣疼痛者取茄子五十斤切洗以水五

斗煮取濃汁濾去滓更入小鍋中煎至一升以來即入生粟粉同煎令稀稠得所取出搜和更入麝香朱砂末同丸如梧子大每日用秫米酒送下三十九近暮再服一月乃瘥男子女人通用皆驗 圖經本草

磕撲青腫

老黃茄極大者切片如一指厚新瓦焙研為末欲卧時溫酒調服二錢已一夜消盡

無痕迹也

墜損跌撲

散血止痛重陽日收老茄子百枚去蒂四破切之消石十二兩

勝金

搗碎以不津器先鋪茄子一重乃下消石一重如此間鋪令盡以紙數層密封安置淨處上下用新磚承覆勿犯地氣至正月後取出去紙兩重日中曝之遂日如此至二三月度茄已爛開瓶傾出濾去滓別入

新器中以薄綿蓋頭又曝至成膏乃可用每以酒調
半匙空腹飲之日再惡血散則痛止而愈矣若膏久
乾硬即以飯飲化動 **發背惡瘡** 用上方以酒服半匙
用之 圖經本草 更以膏塗瘡口四圍

覺冷如水瘡乾便瘥其有根本 在膚腰者亦可內消 同上 **熱毒瘡腫** 生茄子一
枚割去二

分去麻二分似罐子形合于瘡上即消 **牙齒腫痛** 隔
也如已出膿再用取瘥 聖濟總錄 年

糟茄燒灰頻頻乾擦 **蟲牙疼痛** 黃茄種燒灰擦 **喉痺**
立効 海上名方 之効 摘玄方

腫痛 糟茄或醬茄細嚼 **婦人乳裂** 扶月冷茄子裂開
熱汁 德生堂方 者陰乾燒存性研

末水調塗 補遺方

蒂主治燒灰米飲服二錢治腸風下血不止及血痔

吳瑞燒灰治口齒瘡蠱生切擦癩風

時珍

發明

時珍曰治癩風用茄蒂蕪硫附末摻之取其散血也白癩用白茄蒂紫癩用紫茄蒂亦各從其

耳類

附方

新

一風蛀牙痛

茄蒂燒灰摻之或加細辛末等分日用之仁存方

花主治金瘡牙痛

時珍

附方

新

一牙痛

秋茄花乾之旋燒研塗痛處立止海上名方

根及枯莖葉主治凍瘡皴裂裂者煮湯漬之良

開寶散血消

腫治血淋下血血痢陰挺齒蠱口葷

時珍

附方新血淋疼痛

茄葉熏乾為末每服二錢温酒或鹽湯下隔年者尤佳經驗良方

腸風下血

方同上

久痢不止

茄根燒灰石榴皮等分為末以沙糖水服之

簡便單方

女陰挺出

茄根燒存性為末油調在紙上捲筒安入內一日一上乾坤生意口

中生葷

用醋漱口以茄母燒灰飛鹽等分米醋調稀時時擦之搗玄方

牙齦腫痛

茄根搗汁頻塗之

陳茄樹燒灰傅之海上名方

牙痛取牙

茄科

以馬尿浸三日晒炒為末每用點牙即落真妙

鮑氏方夏月趾腫

不能行走者九月收茄根

懸簷下逐日煎湯洗之簡便

苦茄

拾遺

集解

藏器曰苦茄野生
嶺南樹小有刺

子主治醋摩塗癰腫根亦可作湯浴又主瘴氣

藏器

壺蘆

日華

釋名瓠瓜

說文

匏瓜

此物各象其形又可為酒飲之器

因以名之俗作葫蘆者非矣葫乃蒜名蘆乃葦屬也
其圓者曰匏亦曰瓢因其可以浮水如泡如漂也凡
蒜屬皆得稱瓜故曰瓠瓜瓠瓜古人壺瓠瓜三名皆
可通稱初無分別故孫愐唐韻云瓠音壺又音護瓠
壺瓢也陶隱居本草作瓠瓠云是瓠類也許慎說文
云瓠匏也又云瓢瓠也匏大腹瓠也陸璣詩疏云壺
瓠也又云匏瓠也莊子云有五石之瓠諸書所言其
字皆當與壺同音而後世以長如越瓜首尾如一者

為瓠音護瓠之一頭有腹長柄者為懸瓠無柄而圓大形扁者為匏匏之有短柄大腹者為壺壺之細腰者為蒲蘆各分名色迥異於古以今參詳其形狀雖各不同而苗葉皮子性味則一故茲不復分條焉懸瓠今人所謂茶酒瓢者是也蒲蘆今之藥壺盧是也郭義恭廣志謂之約腹壺以其腹有約束也亦有大小二種也

集解

弘景曰瓠與冬瓜氣類同輩又有瓠瓢亦是瓠類小者名瓢食之乃勝瓠此等皆利水道所以

在夏月食之大約不及冬瓜也恭曰瓠與瓠瓢瓜全非類例三物苗葉相似而實形則異瓠形似越瓜長尺餘頭尾相似夏中便熟杖末便枯瓠瓢形狀大小非一夏末始實秋中方熟取其為器經霜乃堪瓠與甜瓠瓢體性相類啖之俱勝冬瓜陶言不及是未悉此等原種各別也時珍曰長瓠懸瓠壺盧匏瓜蒲蘆

名狀不一其實一類各色也處處有之但有遲早之殊陶氏言瓠與冬瓜氣類同輩蘇氏言瓠與瓠全非類例皆未可憑數種並以正二月下種生苗引蔓延緣其葉似冬瓜葉而稍圓有柔毛嫩時可食故詩云幡幡瓠葉采之烹之五六月間白花結實白色大小長短各有種色瓠中之子齒列而長謂之瓠犀竊謂瓠匏之屬既可烹晒又可為器大者可為甕盃小者可為瓢樽為要丹可以浮水為筌可以奏樂膚皴可以養豕犀辦可以澆燭其利博矣

壺瓠氣味甘平滑無毒

恭曰甘冷多食令人止利扁鵲曰患脚氣虛脹冷氣者食

之永不除也

主治消渴惡瘡鼻口中肉爛痛

思利水道

消熱服丹石人宜之

孟詵

除煩治心熱利小腸潤心肺

治石淋

大明

發明

時珍曰按名醫錄云折人食飽瓜多吐瀉謂之發暴蓋此物以暑月壅成故也惟與香菜同食

則可免

附方

新

腹脹黃腫

用亞腰壺盧連子燒存性每服一個食前溫酒下不飲酒者白湯下

十餘日見効

簡便方

葉氣味甘平無毒主治為茹耐饑

思漱

蔓鬚花主治解毒

時珍

附方

新

預解胎毒

七八月或三伏日或中秋日剪壺盧鬚如環子脚者陰乾於除夜煎

湯浴小兒則可免出
痘 唐璣經驗方

子主治齒斷或腫或露齒搖疼痛用八兩同牛膝四

兩每服五錢煎水含漱日三四次

御藥院方

苦瓠

本經下品

釋名苦瓠國語苦壺蘆

集解

別錄曰苦瓠生晉地弘景曰今瓠忽有苦者如膽不可食非別生一種也又有瓠瓠亦是瓠

類恭曰本經所論都是苦瓠瓠爾陶謂瓠中苦者大誤矣瓠中時有苦者不入藥用無所主療亦不堪啖瓠與瓠瓠原種各別非甘者變為苦也保昇曰瓠即瓠也有甘苦二種甘者大苦者小機曰瓠壺有原種

是甘忽變為苦者俗謂以鷄糞壅之或牛馬踐踏則變為苦陶說亦有所見未可盡非也時珍曰詩云瓠有苦葉國語云苦瓠不材於人共濟而已皆指苦壺而言即苦瓠也瓠壺同音陶氏以瓠作護音釋之所以不穩也應劭風俗通云燒穰可以殺蠶或云畜瓠之家不燒穰種瓜之家不焚漆物性相畏也蘇恭言服苦瓠過分吐利不止者以黍穰灰汁解之蓋取乎此凡有苦瓠須細理瑩淨無麤翳者乃佳不爾有毒

瓢及子氣味苦寒有毒主治大水面目四肢浮腫下

水令人吐

本經

利石淋吐呀嗽囊結疰蠱痰飲又煮汁

漬陰療小便不通

蘇恭

煎汁滴鼻中出黃水去傷冷鼻

塞黃疸

藏器

吐虬蟲

大明

治癰疽惡瘡疥癬齒齒有蟲匿

者又可制汞

時珍

附方

舊八新十七

急黃病

苦瓠一枚開孔以水煮之攪取汁滴入鼻中去黃水 陳藏器

黃疸腫滿

苦蘆瓢如大棗許以童子小便二合浸之一時取兩酸棗大納兩鼻中深吸氣

待黃水出良

又方用瓠瓢熬黃為末每服半錢日一服十日愈然有吐者當詳之 傷寒類要

大

水脹滿

頭面洪大用瑩淨好苦瓠白瓢捻如豆粒以麩裏煮一沸空心服七枚至午當出水一斗二

日水自出不止大瘦乃瘥二年内忌鹹物 聖惠通

身水腫

苦瓠膜炒二兩苦葶藶五分搗合丸小豆大每服五九日三水下止 又用苦瓠膜五分

大棗七枚搗丸一服三九如人行十里許 石水腹腫

四肢皆瘦削用苦瓠膜炒一兩杏仁半兩炒去皮火為末糊丸小豆大每飲下十九日三水下止 聖濟

總錄 水蠱洪腫 苦瓠瓢一枚水二升煮至一升煎至可丸如小豆大每米飲下十九待小便利

作小豆羹 小便不通 脹急者用苦瓠子三十枚炒蠹食勿飲水 三個焙為末每冷水服一錢

並聖濟總錄 小兒閃癖 取苦瓠未破者煮令熟解開熨之 陳藏器本草 風痰頭

痛 苦瓠膜取汁以葦管灌入鼻中其氣上衝腦門須臾惡涎流下其病立愈除根勿以昏運為疑乾者

浸汁亦効其子為末吹入亦 鼻塞 苦瓠盧子為効年久頭風皆愈 普濟方 末醇酒浸之

夏一日冬七日日日 眼目昏暗 七月七日取苦瓠白少少點之 聖惠方 瓢絞汁一合以酢二

升古錢七文同以微火煎減半 千金 弩肉血腎 秋間取小每日取沫納背中神効 千金 弩肉血腎 柄壺盧或

小藥壺虛陰乾於際小處鋸斷內空一小孔如眼孔
大遇有此病將眼皮上下用手掙開將壺虛孔合定
初雖甚痛苦然瘀肉血醫皆漸
下不傷睛也 劉松石經驗方 齒齲口臭 苦瓠子為末蜜丸半

棄大每旦漱口了含一丸仍塗 風蟲牙痛 壺虛子半升水五升

煎三升含漱之 莖葉亦 惡瘡癩癩 十年不癢者苦瓠可不過三度 聖惠方 一投煮汁搽之日

三度 九瘻有孔 苦瓠四枚大如蓋者各穿一孔如肘后方 指大湯煮十數沸取一竹筒長一

尺一頭挿瓠孔中一頭注瘡孔上 痔瘡腫痛 苦瓠虛冷則易之用遍乃止 千金方

煎湯先熏後洗乃貼熊膽蜜院 下部懸癰 擇人神不僧膽礬片腦末良 摘玄方 在日空心

用井華水調百藥煎末一椀服之微利後却用秋壺盧一名苦不老生在架上而苦者切片置瘡上灸二

七壯蕭端式病此連年卒中蠱毒或吐血或下血皆如爛肝者苦瓠十枚

一灸遂愈 永類鈐方

水二升煮一升服立吐即愈又方用苦酒一升煮令消服之取吐神驗肘後方

虛燒存性研末每服一錢 聾耳出膿乾瓠子一分黃連半錢為末以

空心熱酒下 海上名方

綿先織淨吹入半字 鼻中息肉苦壺盧子苦丁香等分入麝香少許為末

日二次 聖惠方

紙燃點之

聖惠方

花主治一切癩瘡霜後收曝研末傅之時珍

蔓主治麻瘡煎湯浴之即愈時珍 出 仇遠稗史

附方 新小兒白禿瓠藤同裏鹽荷葉煎濃汁洗三五次愈 總錄

敗瓢網目

集解

時珍曰：器乃乾壺破開為之者，近世方藥亦時用之，當以苦瓠者為佳，年久者尤妙。

氣味苦平無毒，主治消脹殺蟲，治痔漏下血崩中帶。

下赤白

時珍

附方

新六

中滿鼓脹

用三五年陳壺蘆瓢一個，以糯米一斗作酒待熟，以瓢於炭火上炙。

熟入酒浸之，如此三五次，將瓢燒存性，研末，每服三錢，酒下神效。余居士選奇方。

大便下血

取瓢燒存性，黃連等分，研末，每空心溫酒服二錢，簡便方。

赤白崩中

舊壺蘆瓢妙存性，蓮

房煨存性等分，研末，每服二錢，熱水調服，三服有汗為度，即止，甚者五服止，最妙。忌房事發物生冷。

上方腦漏流膿

破瓢白鷄冠花白螺螄殼各燒存性等分血竭麝香各五分為末以好酒洒濕

熟艾連藥揉成餅占在頂門上以熨腋下瘤癭用長柄茶

斗熨之以愈為度孫氏集效方

壺盧燒存性研末搽之以消為度一府技老嫗右腋生一瘤漸長至尺許其狀如長瓠子久而潰爛一方士教以此法用之遂出水湯火傷灼舊壺盧瓢燒灰消盡而愈瀕湖集簡方傳之同上

冬瓜

本經上品

校正

今併入白瓜子

釋名白瓜

本經

水芝

同上

地芝

廣雅

志曰冬瓜

經霜後

皮上白如粉塗其子亦白

故名白冬瓜而子云白瓜子也時珍曰冬瓜以其冬熟也又賈思勰云冬瓜正二三月種之若十月種者

結瓜肥好乃勝春種則冬瓜之名或又以此也別錄白冬瓜原附於本經瓜子之下宋開寶本草加作白

瓜子復分白冬瓜為別錄一種
遂致諸註辨說紛紛今併為一

集解

別錄曰白瓜子生嵩高平澤冬瓜仁也八月采
之頌曰今處處園圃蒔之其實生苗蔓下大者

如斗而更長皮厚而有毛初生正青綠經霜則白粉
人家多藏蓄彌年作菜果入藥須霜後取置之經年
破出核洗燥乃搗取仁用之亦堪單作服餌時珍曰
冬瓜三月生苗引蔓大葉圓而有尖莖葉皆有刺毛
六七月開黃花結實大者徑尺餘長三四尺嫩時綠
色有毛老則蒼色有粉其皮堅厚其肉肥白其瓤謂
之瓜練白虛如絮可以浣練衣服其子謂之瓜屏在
瓤中成列霜後取之其肉可煮為茹可蜜為果其子
仁亦可食蓋兼蔬果之用凡收瓜
忌酒漆麝香及糯米觸之必爛

白冬瓜氣味甘微寒無毒

弘景曰

主治小腹水脹利

小便止渴

別錄

擣汁服止消渴煩悶解毒

弘景

益氣耐老

除心胸滿去頭面熱

孟詵

消熱毒癰腫切片摩癆子甚

良明利大小腸壓丹石毒

蘇頌

發明

說曰熱者食之佳冷者食之瘦人煮食練五臟為其下氣故也欲得體瘦輕捷者則可長食之

若要肥則勿食也宗奭曰凡患發背及一切癰疽者削一大塊置瘡上熱則易之分散熱毒氣甚良震亨曰冬瓜性走而急寇氏謂其分散熱毒氣蓋亦取其走而性急也久病者陰虛者忌之孫真人言九月勿食令人反胃須被霜食之乃佳 說曰取瓜一顆和桐葉與猪食之一冬更不要與諸物食自然不饑長

三四倍也

附方

舊八新六

積熱消渴

白瓜去皮每食後喫二三
兩五七度良 孟詵食療

消渴不

止

冬瓜一枚削皮埋濕地中一月取出破開取
清水日飲之或燒熟絞汁飲之

聖濟總錄 消渴

骨蒸

大冬瓜一枚去瓤入黃連末填滿安甕內待瓜
消盡同研丸梧子大每服三四十九煎冬瓜湯

下
經驗 產後痢渴

久病津液枯竭四肢浮腫口舌乾燥
用冬瓜一枚黃土泥厚五寸煨熟絞

汁飲亦治傷寒痢
渴 古今錄驗

小兒渴痢

冬瓜汁飲

小兒魁病

寒熱

如疳用冬瓜篇蓄各四兩水
二升煎湯浴之 千金方

嬰孩寒熱

冬瓜炮熟絞
汁飲 子母

秘錄 水病危急

冬瓜不拘多少任意喫之
神效無比 兵部手集

十種水氣

浮腫

喘滿用冬瓜一枚切蓋去瓤以赤小豆填滿蓋合
簽定以紙筋泥固濟日乾用糯糠兩大羅入瓜在內煨

至火盡取出切片同豆焙乾為末水糊丸梧子大每服七十丸煎冬瓜子湯下日三服小便利為度楊

氏家藏方發背欲死冬瓜截去頭合瘡上瓜爛截去更合之瓜未盡瘡已小斂矣乃用膏貼之

後方肘痔瘡腫痛冬瓜雙湯洗馬汗入瘡乾冬瓜燒研洗淨傅之

食魚中毒冬瓜汁飲之面黑令白冬瓜一個竹刀去皮切片酒一升半

水一升荑爛瀉去滓絞成膏瓶收每夜塗之聖濟總錄

瓜練瓜氣味甘平無毒主治絞汁服止煩躁熱渴利

小腸治五淋壓丹石毒甄權洗面澡身去黥黥令人悅

澤白哲時珍

附方

新

消渴煩亂

冬瓜瓢乾者一兩水煎飲

聖惠方

水腫煩渴

小便少者

冬瓜白瓢水煮汁淡飲之

聖濟總錄

白瓜子

別錄曰冬瓜仁也八月采之

正誤

恭曰此甘瓜也甘字似白字後人誤寫耳當改

從甘字志曰本草註白瓜子冬瓜仁也蘓氏所言殊為孟浪且甘瓜即甜瓜瓜亦有青白二種其子色黃主療與冬瓜全異但冬瓜經霜有白衣其子亦白瓜之號因斯而得况諸方惟用冬瓜子不見用甘瓜子者蘓說不可憑也

氣味甘平無毒

別錄曰寒久服寒中

主治令人悅澤好顏色益

氣不饑久服輕身耐老

本經

除煩滿不樂可作面脂

別錄

去皮膚風及黑黧潤肌膚大治腸癰時

發明

頌曰冬木仁亦堪單作服餌又研末作湯飲及作面脂藥並令人好顏色光澤宗慄荆楚歲時

記云七月采瓜犀以為面脂即瓜瓣也亦堪作澡豆宗爽曰服食方亦稀用之

附方

舊二新五

服食法

取冬瓜仁七升以絹袋盛投三沸湯中須臾取曝乾如此三度又與

清苦酒漬之二宿曝乾為末日服方寸匕令人肥悅明目延年不老又法取子三升去皮為丸空心服三十丸令人白淨如

補肝明目

治男子五勞七傷明目用冬瓜仁方同上

臺秘要 悅澤面容

白瓜仁五兩桃花四兩白楊皮二兩為末食後飲服方寸匕日三服欲白

加瓜仁欲紅加桃花三十日面白五十日多年損傷手足俱白一方有橘皮無楊皮肘後方

不瘥者瓜子末溫酒消渴不止小便多用乾冬瓜子

水煎飲之冬瓜苗葉俱治麥門冬黃連各二兩

消渴不拘新乾摘玄方男子白濁陳冬瓜仁炒為末每空心米飲

服五錢救急易方女子白帶上方同

瓜皮主治可作丸服亦入面脂蘇頌主驢馬汗入瘡腫

痛陰乾為末塗之又主折傷損痛時珍

附方新跌撲傷損用乾冬瓜皮一兩真牛皮膠一兩

好酒熱服仍飲酒一甌厚蓋取微汗研末每服五錢

其痛即止一宿如初極効摘玄方損傷腰痛冬瓜皮燒

研酒服一錢生生編

葉主治治腫毒殺蜂療蜂叮明大主消渴瘧疾寒熱又

焙研傅多年惡瘡

時珍

附方

新

積熱瀉痢

冬瓜葉嫩心拖麩煎餅食之

海上名方

藤主治燒灰可出繡黥煎湯洗黑黥并瘡疥

大明

擣汁

服解木耳毒煎水洗脫肛燒灰可淬銅鐵伏砒石

時珍

南瓜

綱目

集解

時珍曰南瓜種出南番轉入閩浙今燕京諸處亦有之矣二月下種宜沙沃地四月生苗引蔓甚

繁一蔓可延十餘丈節節有根近地即著其莖中空其葉狀如蜀葵大如荷葉八九月開黃花如西瓜花

結瓜正圓大如西瓜皮上有稜如甜瓜一本可結數十顆其色或綠或黃或紅經霜收置暖處可留至春其子如冬瓜子其肉厚色黃不可生食惟去皮穰淪食味如山藥同猪肉煮食更良亦可蜜煎按王禎農書云浙中一種陰瓜宜陰地種之秋熟黃色如金皮膚稍厚可藏至春食之如新疑此即南瓜也

氣味甘溫無毒

時珍曰多食發脚氣黃疸不可同羊肉食令人氣壅

主治補中

益氣

時珍

越瓜

宋開寶

釋名稍瓜

食物

菜瓜

時珍曰越瓜以地名也俗名稍瓜南人呼為菜瓜

集解

藏器曰越瓜生越中大者色正白越人當果食之亦可糟藏時珍曰越瓜南北皆有二三月下

種生苗就地引蔓青葉黃花並如冬瓜花葉而小夏
秋之間結瓜有青白二色大如瓠子一種長者至二
尺許俗呼羊角瓜其子狀如胡瓜子大如麥粒其瓜
生食可充果蔬醬豉糖醋藏浸皆宜亦可作菹

氣味甘寒無毒

說曰生食多冷中動氣令人心痛臍
下癢結發諸瘡又令人虛弱不能行

不益小兒天行病後不可食又不得與牛乳酪及酢
同食時珍曰按蕭子真云菜瓜能暗人耳目觀驢馬
食之即眼爛可知矣

主治利腸胃止煩渴

開利小便去煩熱解

酒毒宣洩熱氣燒灰傳口吻瘡及陰莖熱瘡

藏和飯

作酢久食益腸胃

心鏡

胡瓜

宋嘉祐

釋名黃瓜

藏器曰北人避石勒諱改呼黃瓜至今因之時珍曰張騫使西域得種故名胡瓜按

杜寶拾遺錄云隋大業四年避諱改胡瓜為黃瓜與陳氏之說微異今俗以月令王瓜生即此誤矣王瓜

土瓜也

見草部

集解

時珍曰胡瓜處處有之正二月下種三月生苗引蔓葉如冬瓜葉亦有毛四五月間黃花結瓜

圓二三寸長者至尺許青色皮上有瘡癩如疣子至老則黃赤色其子與菜瓜子同一種五月種者霜時結瓜白色而短並生熟可食兼蔬菹之用糟醬不及菜瓜也

氣味甘寒有小毒

說曰不可多食動寒熱多瘡病積痰熱發疰氣令人虛熱上逆少氣

損陰血發瘡疥脚氣虛腫百病天行病後不可食之小兒切忌滑中生疳蟲不可多用醋

主治清

熱解渴利水道

審原

附方

舊二新五

小兒熱痢

椒黃瓜同蜜食十餘枚良海上名方

水病肚脹

四肢浮腫用胡瓜一個破開連子以醋煮一
半至爛空心俱食之須臾下水也 千金方

小兒出

汗香瓜丸用黃連胡黃連黃蘗川大黃煨熟熬甲醋炙
柴胡蘆薈青皮等分為末用大黃瓜黃色一個割下

下頭填藥至滿蓋定簽住慢火煨熟同搗入麩糊丸
綠豆大每服二三九天者五七九至十九食後新水

下 錢乙 喉腫痛 老黃瓜一枚去子入硝填滿陰
小兒方 乾為末每以少許吹之 醫林

集 要 杖瘡焮腫 六月六日取黃瓜入甕瓶中水浸之
每以水掃於瘡上立効 醫林集要 火

眼赤痛

五月取老黃瓜一條上開小孔去蟲入芒硝
令滿懸陰處待硝透出刮下留點眼甚効

毒藥 湯火傷灼 五月五日摘黃瓜入瓶內封掛
神方 磨下取水刷之良 醫方摘要

葉氣味苦平有小毒主治小兒閃癖一歲用一葉生

按攪汁服得吐下良

藏器

根主治痔傳狐刺毒腫

大明

絲瓜

綱目

釋名天絲瓜 本 天羅 事類 布瓜 同上 蠻瓜 本 魚鱔 時珍

瓜老則筋絲羅織故有絲羅之名昔人謂之魚鱔或云虞利始自南方來故曰蠻瓜

集解 時珍曰絲瓜唐宋以前無聞今南北皆有之以為常蔬二月下種生苗引蔓延樹竹或作棚架

其葉大如蜀葵而多了尖有細毛刺取汁可染綠其莖有稜六七月開黃花五出微似胡瓜花莖瓣俱黃其瓜大寸許長一二尺甚則三四尺深綠色有皺點瓜頭如蟹首嫩時去皮可烹可曝點茶充蔬老則大如杆筋絡纏紐如織成經霜乃枯惟可藉鞞履滌釜器故村人呼為洗鍋羅瓜內有隔子在隔中狀如苦蕒子黑色而扁具花苞及嫩葉卷鬚皆可食也

瓜氣味甘平無毒

入藥用老者

主治痘瘡不快枯者燒存

性入朱砂研末蜜水調服甚妙震亨煮食除熱利腸老

者燒存性服去風化痰涼血解毒殺蟲通經絡行血

脈下乳汁治大小便下血痔漏崩中黃積疝痛卵腫血氣作

痛癰疽瘡腫齒齲痘疹胎毒

時珍

暖胃補陽固氣和胎

生編

發明

頴曰絲瓜本草諸書無考惟痘瘡及脚癰方中燒灰用之亦取其性冷解毒耳時珍曰絲瓜老

者筋絡貫串房隔聯屬故能通人脈絡臟腑而去風解毒消腫化痰祛痛殺蟲治諸血病

附方

新二痘瘡不快初出或未出多者令少少者令

研末砂糖水服直指方

癰疽不斂

瘡口太深用絲瓜搗汁頻抹之直指方

風熱腮

腫

絲瓜燒存性研末水調搽之嚴月軒方

肺熱面瘡

苦絲瓜牙皂莢並燒灰等分油調搽

女方 玉莖瘡潰

絲瓜連子搗汁和五倍子末頻搽之丹溪方

坐板瘡疥

絲瓜

皮焙乾為末燒酒調搽之攝生眾妙方

天泡濕瘡

絲瓜汁調辰粉頻搽之

手足凍

瘡 老絲瓜燒存性和臘
疔門酒痔 絲瓜燒存性研末
嚴月

軒方 **痔漏脫肛** 絲瓜燒灰多年石灰雄黃各五錢為末
以豬膽雞子清及香油和調貼之收上

乃止 孫氏集效方 **腸風下血** 霜後乾絲瓜燒存性為末空心
酒服二錢一名蠻瓜一名天羅

一名天絲瓜是矣 許叔微本事方 **下血危篤** 不可救者絲瓜即天
羅一個燒存性槐花

減半為末每空心米飲服二錢 普濟方 **酒痢便血** 腹痛或如魚腦五
色者乾絲瓜一枚

連皮燒研空心酒服二錢一方 **血崩不止** 老絲瓜燒
煨食之俗名魚鱗是也 經驗方

灰等分鹽酒或鹽 **經脈不通** 乾絲瓜一個為末用白
湯服 奇效良方 鵲血調成餅日乾研末

每服二錢空心酒下先服 **乳汁不通** 絲瓜連子燒存
四物湯三服 海上名方 性研酒服一二

錢被覆取汗即乾血氣痛婦人血氣不行上衝心隔

通簡便單方變為乾血氣者用絲瓜一

救燒存性空心溫小腸氣痛遠臍衝心連蒂老絲瓜

酒服壽域神方熱酒調下甚者不燒存性研末每服三錢

過二三服即消卵腫偏墜絲瓜架上初結者留下

存性為末煉蜜調成膏每服好酒服一匙如腰痛不

在左左睡在右右睡劉松石保壽堂方

止天羅布瓜子仁炒焦搗酒喉閉腫痛天羅瓜研汁

卒然中風防風荆芥一兩升麻半兩薑三片水一錢

如手足麻痺以羌活煎半錢以絲瓜子研取漿半錢和勻灌之

湯洗之唐瑤經驗方化痰止咳天羅即絲瓜燒存

彈子大每服一丸溫酒性為末棗肉和丸

化下攝生妙用方風蟲牙痛經霜乾絲瓜燒存

性為末擦之直

指風氣牙痛百藥不効者用此大能去風惟蛙牙不効天羅即生絲瓜一個擦鹽火燒存性

研末頻擦涎盡即愈腮腫以水調貼之馬敏叔云此乃嚴月軒家傳屢効之方一試即便可睡也食

積黃疸絲瓜連子燒存性為末每服二錢因麩得病麵湯下因酒得病酒溫下連進數服愈衛

生易簡方小兒浮腫天羅燈草蔥白等分煎濃汁服并洗之普濟方水蠱腹脹

老絲瓜去皮一枚剪碎巴豆十四粒同炒豆黃去豆以瓜同陳倉米再炒熟去瓜研米為末糊丸梧子大

每服百丸白湯下蓋米收胃氣巴豆逐水絲瓜象人麻絡借其氣以引之也此乃元時杭州名醫宋會之

之方鮮于樞鉤玄

葉主治癬瘡頻按搽之療癰疽丁腫卵癩時珍

附方

六新

蠱癬

清晨米露水絲瓜葉七片逐擦七下陰
如神忌難魚發物攝生眾妙方

子偏墜

絲瓜葉燒存性三錢雞子殼燒灰
二錢温酒調服余居士選奇方

頭瘡生蛆

頭皮內時有蛆出以刀切破擠絲瓜葉湯火傷灼絲瓜
汁搽之蛆出盡絕根小山怪證方

研入辰粉一錢蜜調搽之生者魚臍丁瘡絲瓜葉即
搗傅一日即好也海上名方

連鬚葱白韭菜等分同入石鉢內研爛取汁以熱酒
和服以渣貼腋下病在左手貼左腋右手貼右腋病

在左脚貼左胯右脚貼右胯在中貼心臍用帛縛住
候肉下紅線處皆白則散矣如有潮熱亦用此法却

令人抱住恐其顛倒則刀瘡神藥古石灰新石灰絲
難救矣危氏得効方瓜根葉初種放兩

葉者韭菜根各等分搗一千下作餅陰乾為末擦之
止血定痛生肌如神効侍御蘇海峯所傳董炳集

方驗

藤根氣味

同葉

主治齒齲腦漏殺蟲解毒

時珍

附方

新

預解痘毒

五六月取絲瓜蔓上卷鬚陰乾至正月初一日子時用二兩半煎湯

父母只令一人知溫浴小兒身面上下以去胎毒永不吐痘縱出亦少也
體仁彙編 諸瘡久

潰

絲瓜老根熬水掃之

喉風腫痛

絲瓜根以瓦瓶盛大涼即愈 應驗方 水浸飲之 海上

名腦崩流汁

鼻中時時流臭黃水腦痛名控腦砂有蟲食腦中也用絲瓜藤近根三五尺燒存

性每服一錢溫酒下以愈為度
醫學正傳

牙宣露痛

海上妙方用絲瓜藤陰乾臨時火煨

存性研搽即止最妙 惠生堂方用絲瓜藤一握川椒一撮燈心一把水煎濃汁漱吐其痛立住如神

咽喉骨鯁

七月七日取絲瓜根陰乾燒存性每服二錢以原鯁物煮湯服之

華峯雜興腰

痛不止

絲瓜根燒存性為末每溫酒服二錢神効甚捷

鄧筆峯雜興

附錄天羅勤

拾遺藏器曰生江南平地主溪毒按碎傳之時珍曰陳氏注此不詳又江南呼

絲瓜為天羅疑即此物然無的據姑附之

苦瓜

救荒

釋名錦荔枝

救荒

癩葡萄

時珍曰苦以味名瓜及荔枝葡萄皆以實及莖葉相似得

名

集解

周憲王曰錦荔枝即癩葡萄莖延草木莖長七八尺莖有毛濕葉似野葡萄而花又開黃花實

大如雞子有皺紋似荔枝時珍曰苦瓜原出南番今閩廣皆種之五月下子生苗引蔓莖葉卷鬚並如葡萄而小七八月開小黃花五瓣如椀形結瓜長者四五寸短者二三寸青色皮上痲癩如癩及荔枝殼狀熟則黃色自裂內有紅瓤裹子新味甘可食其子形扁如瓜子亦有痲癩南人以青皮煮肉及鹽醬充蔬苦澀有青氣按費信星槎勝覽云蕪門荅刺國一等瓜皮若荔枝未剖時甚臭如爛蒜剖開如囊味如酥香甜可口疑此即苦瓜也

瓜氣味苦寒無毒主治除邪熱解勞乏清心明目

時珍

生編

子氣味甘無毒主治益氣壯陽

時珍

菜之四

水菜類
六種

紫菜

食療

釋名紫莢

音救

集解

說曰紫菜生南海中附石正青色取而乾之則紫色時珍曰閩越海邊悉有之大葉而薄彼人

按成餅狀晒乾貨之其色正紫亦石衣之屬也

氣味甘寒無毒

藏器曰多食令人腹痛發氣吐白沫飲熱醋少許即消

主治熱

氣煩塞咽喉煮汁飲之

孟詵洗病瘦瘤脚氣者宜食之時珍

發明

震亨曰凡癭結積塊之疾宜常食紫菜乃鹹能軟堅之義

石蓴

拾遺

校正

自草部移入此

集解

藏器曰石蓴生南海附石而生似紫菜色青

氣味甘平無毒主治下水利小便

藏器

主風秘不通五

膈氣并臍下結氣煮汁飲之胡人用治疴疾

李珣

石花菜

食鑑

釋名璫枝

時珍曰並以形名也

集解

時珍曰石花菜生南海沙石間高二三寸狀如珊瑚有紅白二色枝上有細齒以沸湯泡去砂

屑沃以薑醋食之甚脆其根埋沙中可再生枝也一種稍粗而似雞爪者謂之雞脚菜味更佳二物久浸

皆化成膠凍也郭璞海賦所謂水物則玉珉海月土肉石華即此物也

氣味甘鹹大寒滑無毒主治去上焦浮熱發下部虛

寒

原

鹿角菜

性食

釋名猴葵

時珍曰按沈懷遠南越志云猴葵一名鹿角蓋鹿角以形名猴葵因其性滑也

集解

士良曰鹿角菜生海州登萊沂密諸處海中時珍曰鹿角菜生東南海中石厓間長三四寸大

如鐵線分了如鹿角狀紫黃色土人采曝貨為海錯以水洗醋拌則脹起如新味極滑美若久浸則化如膠狀女子用以梳髮粘而不亂

氣味甘大寒滑無毒

說曰微毒丈夫不可久食發痲疾損腰腎經絡血氣令人脚冷

痺少顏色

主治下熱氣療小兒骨蒸熱勞服丹石人食之

能下石力

士良解麪熱

大明

龍鬚菜

綱目

集解

時珍曰龍鬚菜生東南海邊石上叢生無枝葉狀如柳根鬚長者尺餘白色以醋浸食之和肉

蒸食亦佳博物志一種石髮似指此物與石衣之石髮同名也

氣味甘寒無毒主治癭結熱氣利小便

時珍

睡菜

綱目

釋名瞑菜

瞑音眠

綽菜醉草嬾婦葳

記事未詳

集解

時珍曰按菘含南方草木狀云綽菜夏生池沼間葉類葱姑根如藕條南海人食之令人思睡

呼為瞑菜段公路北戶錄云睡菜五六月生田塘中土人采根為鹽菹食之好睡郭憲洞冥記有却睡草食之令人不睡與此相反也珍按苦菜龍葵皆能使人不睡却睡之草其此類乎

氣味甘微苦寒無毒主治心膈邪熱不得眠

時珍

菜之五

芝柄類十五種內附四種

芝

本經上品

校正

併入本經青赤黃白黑紫六芝

釋名茵

音因時珍曰芝本作之篆文象草生地上之形後人借之字為語辭遂加草以別之也爾

雅云茵芝也註云一歲三華瑞草或曰生於剛處曰茵生於柔處曰芝昔四皓采芝羣仙服食則芝亦茵屬可食者故

移入菜部

集解

別錄曰青芝生泰山赤芝生霍山黃芝生嵩山白芝生華山黑芝生常山紫芝生高夏山谷六

芝皆六月八日乘弘景曰南嶽本是衡山漢武帝始以小霍山代之此赤芝當生衡山也郡縣無高夏名恐是山名也此六芝皆仙草之類俗所稀見族類甚多形色瓌異並戴芝草圖中今俗所用紫芝乃是朽木株上所生狀如木樛名為紫芝止癢痔不宜合諸補丸藥也凡得芝草便正爾食之無餘節度故皆不云服法也恭曰五芝經云皆以五色生於五嶽諸方所獻白芝未必華山黑芝又非常嶽且多黃白稀有黑青者然紫芝最多非五芝類但芝自難得縱獲一二豈得終久服耶高錫曰王充論衡云芝生於土土

氣和故芝草生瑞命禮云王者仁慈則芝草生是也
時珍曰芝類甚多亦有花實者本草惟以六芝標名
然其種屬不可不識神農經云山川雲雨四時五行
陰陽晝夜之精以生五色神芝為聖王休祥瑞應圖
云芝草常以六月生春青夏紫秋白冬黑葛洪抱朴
子云芝有石芝木芝肉芝菌芝凡數百種也石芝石
象生於海隅石山島嶼之涯肉芝狀如肉附於大石
頭尾具有乃生物也赤者如珊瑚白者如截肪黑者
如澤漆青者如翠羽黃者如紫金皆光明洞徹如堅
冰也大者十餘斤小者三四斤凡求芝草入名山必
以三月九月乃山開出神藥之月必以三輔時出三
奇吉門到山須六陰之日明堂之時帶靈寶符辟白
犬抱白鷄包白鹽一斗及開山符撒著大石上執吳
唐草一把入山山神喜必得見芝須禹步往來以王
相專和支干相生之日刻以骨刀陰乾為末服乃有
功効若人不至精久齋行微德薄又不曉入山之術

雖得其圖鬼神不以與人終不可得見也曰菌芝生
深山之中大木之上泉水之側其狀或如宮室如龍
虎如車馬如飛鳥五色無常凡百二十種自有圖也
曰木威喜芝乃松脂淪地千年化為茯苓萬歲其上
生小木狀似蓮花夜視有光持之甚滑燒之不焦帶
之辟兵服之神仙曰飛節芝生十歲老松上皮中有
脂狀如飛形服之長生曰木渠芝寄生大木上狀如
蓮花九莖一叢味甘而辛曰黃蘗芝生於千歲黃蘗
根下有細根如縷服之地仙曰建木芝生於都廣其
皮如纓其實如鸞曰叅成芝赤色有光扣其枝葉如
金石之音曰雙桃芝其本如龍其花如丹蘿其實如
翠鳥並可服食曰千歲芝生枯木下根如坐人刻之
有血血塗二足可行水隱形又可治病已上皆木芝
也曰獨搖芝無風自動其莖大如手指葉似莧根有
大魁如斗周遶有細子十二枚繞之相去丈許生高
山深谷服之神仙曰牛角芝生虎壽山及吳陵上狀

似葱而特出如牛角長三四尺青色曰龍仙芝似昇
龍相負之形曰紫珠芝莖黃葉赤實如李而紫色曰
白符芝似梅大雪而花季冬而實曰朱草芝九曲三
葉葉有實也其莖如針曰五德芝狀似樓殿五色各
具方莖紫氣已上皆草芝也有百二十種人得服之
神仙曰玉暗芝生於有玉之山狀似鳥獸色無常彩
多似山水蒼玉亦如鮮明水晶曰七孔九光芝生於
臨水石厓之門狀如盤盃有莖葉此芝葉有七孔夜
見其光食至七枚七孔洞徹一名螢火芝曰石室芝
生少室石戶中石上終難得曰桂芝生石穴中似桂
樹乃石也光明味辛曰石腦芝石中黃皆石芝類也
千歲燕千歲蝙蝠千歲龜萬歲蟾蜍山中見小人皆
肉芝類也凡百二十種又按採芝圖云鳳凰芝生名
山金玉間服食一年與鳳凰俱也曰燕胎芝形如葵
紫色有燕象曰黑雲芝生山谷之陰黑蓋赤理墨莖
味醜苦又有五色龍芝五方芝天芝地芝人芝山芝

土芝石芝金芝水芝火芝雷芝甘露芝青雲芝雲氣
 芝白虎芝車馬芝太一芝等名狀不一張華博物志
 云名山生神芝不死之草上芝為車馬中芝人形下
 芝六畜形又按段成式酉陽雜俎云屋柱無故生芝
 者白主喪赤主血黑主賊黃主喜形如人面者亡財
 如牛馬者遠役如龜蛇者蠶耗時珍嘗疑芝乃腐朽
 餘氣所生正如人生癩贅而古今皆以為瑞草又云
 服食可仙誠為迂謬近讀成式之言始知先得我所
 欲言其揆一也又方士以木積濕處用藥傅之即生五色芝
 嘉靖中王金嘗生以獻世宗此昔人所未言者不可不知

青芝一名龍芝

別錄

氣味酸平無毒

時珍曰五色之芝配以五行之

味益亦據理而已未必其味便隨五色也即如五
 畜以羊屬火五果以杏為心皆云味苦之義之
 才曰青赤黃白黑紫六芝並以薯蕷為之使得髮
 良得麻子仁白瓜子牡桂甚益人惡常山畏扁青

茵陳
萬

主治明目補肝氣安精魂仁恕久食輕身不老

延年神仙

本經

不忘強志

唐本

赤芝一名丹芝

本經

氣味苦平無毒主治胸中結益心

氣補中增智慧不忘久食輕身不老延年神仙

本經

黃芝一名金芝

本經

氣味甘平無毒主治心腹五邪益

脾氣安神忠信和樂久食輕身不老延年神仙

本經

白芝一名玉芝

本經

素芝氣味辛平無毒主治欬逆上

氣益肺氣通利口鼻強志意勇悍安魄久食輕身

不老延年神仙

經本

黑芝一名玄芝

經本

氣味鹹平無毒主治瘡利水道益

腎氣通九竅聰察久服輕身不老延年神仙

經本

紫芝一名木芝

經本

氣味甘溫無毒

甄權曰平

主治耳聾利

關節保神益精氣堅筋骨好顏色久服輕身不老延

年

經本

療虛勞治痔

時珍

附方

新

紫芝丸

治虛勞短氣胸脇苦傷手足逆冷或時煩燥口乾目視攢攢腹內時痛不

思飲食此藥安神保精也紫芝一兩半山芋焙天雄
地去皮栢子仁炒巴戟天去心白茯苓去皮枳實去

蘇麩炒各三錢五分生地黃焙麥門冬去心焙五味
子炒半夏制炒附子炒去皮牡丹皮人參各七錢五
分遠志去心蓼實各二錢五分瓜子仁炒澤瀉各五
錢為末煉蜜丸梧子大每服十五丸漸至三十九溫

酒下日三服

聖濟總錄

木耳

本經
中品

校正

自桑根白
皮條分出

釋名木槁

而軟
二音

木菌

窟捲
二音

木縱

音縱

樹雞

韓文

木蛾

時珍
曰木

耳生於朽木之上無枝葉乃濕熱餘氣所生曰耳曰
蛾象形也曰槁以軟濕者佳也曰雞曰縱因味似也南
楚人謂雞為縱曰菌猶蠅也亦象形也蠅乃貝子之
名或曰地生為菌木生為蛾北人曰蛾南人曰葷

集解

別錄曰五木耳生捷為山谷六月多兩時采即
暴乾弘景曰此云五木耳而不顯言是何木惟

老桑樹生桑耳有青黃赤白者救濕者人采以作菹
無復藥用恭曰桑槐楮榆柳此為五木耳並堪啖楮
耳人常食槐耳療痔瘻漿粥安諸木上以草覆之即
生葷爾時珍曰木耳各木皆生其良毒亦必隨木性
不可不審然今貨者亦多雜
木惟桑柳楮榆之耳為多云

氣味甘平有小毒

權曰葷耳古槐桑樹上者良柘木者次之其餘樹上多動風氣發痼

疾令人肋下急損經絡背膈悶人藏器曰木耳惡蛇
虫從下過者有毒楓木上生者令人笑不止采歸色
變者有毒夜視有光者欲爛不生虫者並有毒並生
搗冬瓜蔓汁解之時珍曰按張仲景云木耳赤色及
仰生者並
不可食

主治益氣不饑輕身強志

本經斷穀治痔時珍

發明

頌曰一人患痔諸藥不効用木耳煮羹食之而愈極驗時珍曰按生生編云柳蛾補胃木耳衰

精言老柳之蛾能補胃理氣木耳乃朽木
所生得一陰之氣故有衰精冷腎之害也

附方

新

眼流冷淚

木耳一兩燒存性木賊一兩為末
每服二錢以清米泔煎服 惠濟

方 血注脚瘡

桑耳楮耳牛屎菰各五錢胎髮灰男用
女用男三錢研末油和塗之或乾塗

之 奇 効良方

崩中漏下

木耳半斤炒見煙為末每服二錢
一分頭髮灰三分共二錢四分以

應二十四氣好酒調服
出汗 孫氏集効方

新久洩痢

乾木耳一兩炒鹿
角膠二錢半炒為

末每服三錢溫酒調
下日二 御藥院方

血痢下血

木耳炒研五錢酒服
即可亦用井花水服

或以水煮鹽醋食之
以汁送下 普濟方

一切牙痛

木耳荆芥等分煎
湯頻漱 普濟方

桑耳釋名桑橋

唐 桑蛾

宋 桑雞

綱 桑黃

性 桑臣

性 桑

上寄生

弘景曰斷殺方桑柘又呼為桑上寄生名同物異也時珍曰桑柘以下皆軟耳之名桑黃

以下皆硬菘之名

其功性則一也

氣味甘平有毒

說曰寒無毒大明曰溫微毒權曰桑槐耳甘辛平無毒

主治黑

者主女人漏下赤白汁血病癥瘕積聚陰痛陰陽寒

熱無子

經本

療月水不調其黃熟陳白者止久洩益氣

不飢其金色者治癖飲積聚腹痛金瘡

別錄

治女子崩

中帶下月閉血凝產後血凝男子瘰癧

甄權

止血衄腸風

瀉血婦人心腹痛

明

利五臟宣腸胃氣排毒氣壓丹

石人發熱和葱豉作羹食

孟詵

附方

舊四新十

少小鼻衄

小勞輒出

鼻中數度即可

時以杏仁大塞

鼻中數度即可

度即可

度即可

度即可

度即可

度即可

度即可

度即可

斷附

五痔下血

桑耳作羹空

心飽食三日一作待

孔卒痛如鳥喙狀取大小豆各一

兩

兩

兩

兩

兩

兩

兩

兩

兩

兩

兩

兩

兩

兩

兩

升合搗作兩囊蒸之及熟

更互坐之即瘥

聖惠方

脫肛瀉血

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

兩熟附子一兩

為末煉蜜丸梧子大每

米飲下二十九

聖惠

血淋疼痛

桑黃糊白皮各二

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

錢水煎服日一次

聖惠方

月水不斷

肉色黃瘦血竭

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

輒劇久疾失治者皆可服之

研每服二錢

食前熱酒

普濟方

崩中漏下

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

桑耳炒黑為末

取効千金方

赤白帶下

桑耳切碎酒煎

蘇頌圓經

遺尿且澀

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

桑耳為末每酒

下方寸匕日三服 聖濟總錄

留飲宿食

桑耳二兩 巴豆一兩 去皮 五升 米下 蒸過 和棗膏 搗

丸 取利止 九取利止 范汪方

心下急痛

桑耳 燒存性 熱酒 服二錢 集簡方 療

癰潰爛

桑黃 菘五錢 水紅豆一兩 百草霜三錢 青苔 二錢 片腦一分 為末 雞子白 調傅 以車前艾

葉 桑皮 煎湯 洗 之 纂奇方

咽喉痺痛

五月五日 收桑上木 耳白 如魚鱗者 臨時 搗碎 綿包

彈子 大蜜 湯浸 含 之 立効 便民方

面上黑斑

桑耳 焙研 每食後 熱湯 服一錢 一月愈 摘玄

方足趾肉刺

先以湯浸 刮去一層 用黑木耳 貼之 自消爛 不痛 近効方

槐耳釋名

槐櫛 唐本 槐菌 唐本 槐雞 蜀本 赤雞 綱目 槐蛾 恭曰 槐

樹上菌也 當取堅如桑耳者 權曰 黃 漿粥 安槐木上 草覆之 即生 葷耳

氣味苦辛平無毒主治五痔脫肛下血心痛婦人陰

中瘡痛

蘇恭

治風破血益力

甄權

附方

舊二新四

腸痔下血

槐樹上木耳為末飲服方寸匕日三服

肘後方

崩中

下血

不問年月遠近用槐耳燒存性為末每服方寸匕溫酒下

產實方

產後血疼

欲死

者槐雞牛兩為末酒濃煎飲服立愈

婦人良方

虻蟲心痛

槐木耳燒存性為末水服棗許

若不止飲熱水一升虻虫立出

張文中備急方

月水不斷

勞損黃瘦增止復發小勞輒劇

者槐城炒黃赤石脂各一兩前熱酒服二錢桑黃亦可

聖惠方

臟毒下血

槐耳燒二

兩乾漆燒一兩為末每服一錢溫酒下

聖濟總錄

榆耳

八月

主治令人不飢

時珍

附方

新

服食方

淮南萬畢術云八月榆樞以美酒漬曝同青梁米紫菀實蒸熟為末每服

三指撮酒下令人辟穀不飢

柳耳主治補胃理氣

時珍

附方

新

反胃吐痰

柳樹葦五七個煎湯服即愈活人心統

柘耳釋名柘黃主治肺癰咳唾膿血腥臭不問膿成

未成用一兩研末同百齒霜二錢糊丸梧子大米飲

下三十九丸効甚捷

時珍

楊櫨耳

藏器曰
出南山

氣味平無毒主治老血結塊破血止血煮服之

藏器

杉菌

宋圖
經

集解

頌曰杉菌出宜州生積年杉木上狀若菌米無時

氣味甘辛微溫無毒主治心脾氣疼及暴心痛

蘇頌

皂莢葷

綱目

集解 時珍曰生皂莢樹上木耳
也不可食米得焙乾備用

氣味辛有毒主治積垢作痛泡湯飲之微泄效未已

再服又治腫毒初起磨醋塗之良

時珍

附方

新

一腸風瀉血

皂莢樹上葷瓦焙為末每服一錢溫酒下許學士本事方

香葷

日用

釋名

時珍曰葷從葷單延也葷味雋永有單延之意

集解

瑞曰葷生桐柳枳椇木上紫色者名香葷白色者名肉葷皆因濕氣薰蒸而成生山僻處者有

毒殺人頽曰香葷生深山爛椇木上小於菌而薄黃

黑色味甚香美最為佳品時珍曰葷品不一宋人陳

仁玉著菌譜甚詳今錄其畧於此云芝菌皆氣虫也

自商山如芝而五臺天花亦甲羣彙仙居介乎天台括

蒼之間叢山入天仙靈所宮爰產異菌林居巖栖者

左右芘之乃藜蒐之至腴近或以羞王公登玉食矣一

曰合葷又名台葷生台之韋羗山寒極雪收春氣欲
動土鬆芽活此茵侯也其質外褐色肌理玉潔芳香
韻味一發益而聞於百步山人曝乾以售香味減於
生者他山雖產其柄高而香劣不及矣二曰稠膏葷
生五溪諸山秋中雨零露浸釀山膏木腴發為茵花生
純頂樹抄初如蕊珠圓瑩類輕酥滴乳淺黃白色味
尤甘已乃張傘大若掌味頗渝矣春時亦生而膏
液少食之之法下鼎似沸漉起參和衆味而持全
於酒切勿攪動則涎腥不可食矣亦可蒸熟致遠三
曰松葷生松陰采無時凡物松出無不可愛者四曰
麥葷生溪邊沙瓊中味殊美絕類蘑菇五曰玉葷初
寒時生潔皙可愛作羹微勒俗名寒蒲葷六曰黃葷
叢生山中黃色俗名黃纒葷又名黃花七曰紫葷精
紫色產山中為下品八曰四季葷生林木中味甘而肌
理粗峭九曰鳶膏葷生高山中狀類鳶子久而嫩開味殊
甘滑不減稠膏然與杜葷相亂不可不慎杜葷土茵也

氣味甘平無毒主治益氣不飢治風破血吳松輩治

溲濁不禁食之有效菌譜

葛花菜

綱目

釋名葛乳時珍曰諸名山皆有之惟太和山采取云乃葛之精華也秋霜浮空如芝菌涌生地

上其色赤脆蓋草類也

氣味苦甘無毒主治醒酒治酒積時珍太和志

天花蕈

日用

釋名天花菜

集解

瑞曰天花菜出山西五臺山形如松花而大香氣如葷白色食之甚美時珍曰五臺多蛇葷感

其氣而生故味美而無益其價頗珍段成式酉陽雜俎云代北有樹雜如桎梏俗呼胡孫根其比類與

氣味甘平無毒

時珍曰按正
要云有毒

主治益氣殺蟲

吳瑞

麇菰葷

綱目

釋名肉葷

集解

時珍曰麇菰出山東淮北諸處埋桑楮諸木於土中澆以米泔待菰生采之長二三寸本小末

大白色柔軟其中空虛狀如未開玉簪花俗名雞腿麇菰謂其味如雞也一種狀如羊肚有蜂窠眼者名

羊肚

菜

氣味甘寒無毒

正要曰有毒動氣發病不可多食

主治益腸胃化痰

理氣

時珍出 生生編

雞縱

綱目

釋名雞菌

時珍曰南人謂為雞縱皆言其味似之也

集解

時珍曰雞縱出雲南生沙地間丁蕈也高脚嫩頭上人米烘寄遠以充方物煎茶烹肉皆宜氣

味皆似香蕈而不及其風韻也又廣西橫州出雷菌遇雷過即生須疾采之稍遲則腐或老故名作羹甚

美亦如雞縱之屬此數種其價並珍

氣味甘平無毒主治益胃清神治痔

時珍

舵菜
綱目

集解時珍曰此即海船舵上所生菌也亦不多得

氣味鹹甘寒無毒主治瘰結氣痰飲時珍

土菌拾遺 校正自草部移入此

釋名杜蕈菌 地蕈拾遺 菰子食物 地雞爾雅 獐頭藏器曰地生者為菌

木生者為樗江東人呼為蕈爾雅云中馗菌也孫炎
註云地蕈子也或云地雞亦云獐頭郭璞註云地蕈
似釘蓋江東名為土菌可咬凡菌從地中出者皆主
瘡疥牛糞上黑菌尤佳若燒及地上經秋雨生菌重
臺者名仙人帽大主血病時珍曰中馗神名又槌名
也此菌釘上若繖其狀如槌及中馗之帽故以名之

氣味甘寒有毒

說曰菌子有數般槐樹上者良野田中者有毒殺人又多發冷氣令人腹

中微微痛發五臟風擁經脉動痔病令人昏昏多睡背膊四肢無力藏器曰菌冬春無毒夏秋有毒有蛇虫從下過也夜中有光者殺爛無虫者煮之不熟者煮訖照人無影者上有毛下無紋者仰卷赤色者並有毒殺人中其毒者地漿及糞汁解之頌曰凡煮菌投以蘆屑飯粒若色黑者殺人否則無毒時珍曰按菌譜云杜葦生土中與山中喬膏葦相亂俗言毒蠶之氣所成食之殺人甚美有惡食肉不食馬肝未為不知味也凡中其毒者必笑不止解之以苦茗白礬勺新水併咽之無不立愈又按揚士瀛直指方云廣南人殺毒蛇覆之以草以水灑之數日菌生采乾為末入酒毒人遇再飲酒毒發立死又陳氏拾遺云南夷以胡蔓草毒人至死懸尸于樹汁滴地上生菌子收之名菌藥毒人至烈此皆不可不知故併記之

馬勃亦茵
類見草部
主治燒灰傳瘡疥藏器

附方

一新

疔腫

黑牯牛拋糞石上待生茵子焙乾豨莶草等分為末以竹筒去兩頭緊縛合佳

疔上用水和末一錢入筒內少頃沸起則根拔出未出再作二三次 醫學正傳

附錄鬼蓋

別錄有名未用曰味甘平無毒主小兒寒熱癩叢生垣墻下赤色旦生暮死一名地

蓋弘景曰一名朝生即今鬼織也藏器曰一名鬼屋生陰濕處如茵其蓋黑而莖赤和醋傳腫毒惡瘡馬脊腫杜正倫曰鬼織有小毒夏日得雨聚生糞堆見日即消黑時珍曰此亦土茵之類朝生暮死者燒灰治疔腫以鍼刺破四邊地苓別錄曰味苦無毒主小兒納灰入內經宿出根癩除邪養胎風痺洗洗寒熱目中青翳女子帶下生腐木積草處大雨生蓋如朝生黃白色四月來之時珍曰此即鬼蓋之色黃白

者其功亦相近

鬼筆

拾遺藏器曰鬼筆生糞穢處頭如筆紫色朝生暮死名朝生暮落花小兒呼為

狗溺臺主治瘡疽疔毒疥癬癩並日乾研末和油塗之凡菌從地出者皆主瘡疥牛糞上黑菌尤佳時珍曰此亦鬼蓋之類而無纖者紅紫鬆虛如花之狀故得花名研末傅下疔瘡

竹蓐

食療

校正

併入拾遺竹肉

釋名竹肉

拾遺

竹菰

綱目

竹葷

時珍曰葷更生曰蓐得溽濕之氣而成也陳藏器本

草作竹肉因其味也

集解

說曰慈竹林夏月逢雨滴汁着地生蓐似鹿角白色可食藏器曰竹肉生苦竹枝上如雞子似肉齋有

大毒以灰汁煮三度煉訖然後依常菜茹食之煉不熟者戟人喉出血手爪盡脫應別有功人未盡識之

時珍曰此即竹菰也生朽竹根節上狀如木耳紅色
段成式酉陽雜俎云江淮有竹肉大如彈丸味如白
樹雞即此物也惟

苦竹生者有毒耳

氣味甘鹹寒無毒

藏器曰苦竹肉有大毒

主治一切赤白痢和薑醬

食之

孟詵

苦竹肉灰汁鍊過食殺三蟲毒邪氣破老血

藏器

藿菌

音桓郡本經下品

校正

自草部移入此

釋名藿蘆

本經時珍曰藿當作藿乃蘆葦之屬此菌生於其下故名也若藿音觀乃鳥名與藿

蘆無

闕

集解

別錄曰藿菌生東海池澤及渤海章武八月采取陰乾弘景曰出北來此亦無有形狀似菌云鶴

屎所化生一名鵝菌單末之猪肉臙和食可以遣蛇
蟲恭曰崔菌今出渤海蘆葦澤中鹽鹵地自然有此
菌爾非鵝屎所化生也其菌色白輕虛表裏相似與
衆菌不同療蛇有効保昇曰今出滄州秋雨以時即
有天旱久霖即
稀日乾者良

氣味鹹平有小毒

別錄曰甘微溫權曰苦得酒良畏雞子

主治心痛温

中去長蟲白癩蛇螫毒殺癥瘕諸蟲本經疽蝮去

虻蟲寸白惡瘡

別錄

除腹内冷痛治白禿

甄權

附方

舊

一虻蟲攻心

如刺吐清汁者崔菌一兩杵末羊肉臙和食之日一頓大効外臺

要秘

附錄蜀格

別錄曰味苦平無毒主治寒熱痿痺女子帶下癰腫生山陽如萑茵而有刺

地耳

別錄

校正

自有名未用移入此

釋名地踏菰

綱目

集解

別錄曰地耳生丘陵如碧石青也時珍曰地耳亦石耳之屬生於地者也狀如木耳春夏生雨

中雨後即早采之見日即不堪俗名地踏菰是也

氣味甘寒無毒主治明目益氣令人有子

別錄

石耳

日用

釋名靈芝

靈苑方

集解

瑞曰石耳生天台四明河南宣州黃山巴西邊徽諸山石崖上遠望如煙時珍曰廬山亦多狀

如地耳山僧采曝曬遠洗去沙土作茹勝於木耳佳品也

氣味甘平無毒

頽曰冷段成式曰熱

主治久食益色至老不改

令人不飢大小便少

吳瑞曰明目益精

附方

新瀉血脫肛石耳五兩炒白枯礬一兩蜜陀僧半兩為末蒸餅丸梧子大每米飲

下二十九

普濟方

本草綱目卷二十八